



明世法錄 八十七之八




漢書門		
二	二	二
九	三	〇
五	九	八
冊	架	函
號	類	

內閣文庫		
二	二	二
九	三	〇
五	九	八
冊	架	函
號	類	

內閣文庫	
番號	漢 2228
冊數	59( 56)
函號	295 56





皇明世法錄卷之八十七



史官 陳仁錫 評閱

淺草文庫

內閣輔臣

太師梁文康公傳

梁儲字叔厚，廣州順德人。別號鬱洲居士。晚更號厚齋。成化戊戌會試第一。廷試第二甲居首。改度吉。十六年授編脩。二十二年兼司經局較書侍。孝廟於東宮，日進講讀。丁未充會試同考官。旋丁內。外艱。弘治辛亥服闋，進侍講。與修憲廟實錄成。進司經局洗馬。壬子主考順天鄉試。復待武宗。



皇明世宗金 卷八十一  
東宮講讀戊午主試應天是歲冬冊封安南國王  
克正使庚申九年考滿遷翰林學士辛酉再主試  
順天壬戌奉詔教庶吉士與脩大明會典書成進  
少詹事仍兼學士本年遷吏部右侍郎奉命充  
正使冊封魯藩正德改元詔纂脩孝廟實錄  
及會典俱爲副總裁遂轉左侍郎明年遷吏部尚  
書兼學士專典誥勅掌詹事府事又明年戊辰主  
會試時逆瑾竊權專恣有不附已者輒以計去之  
乃指摘會典紕繆貶爲吏部右侍郎實錄成復尚  
書兼職如故瑾憾公不置摺摭媒孽俄有旨調

南京禮部尚書加太子少保五年瑾敗召復官  
兼文淵閣大學士典機務旣至進武英殿大學士  
加少保兼太子太保尋進少傅兼太子太傅謹身  
殿大學士廕一子錦衣世千戶公辭改尚寶司丞  
又辭改中書舍人又固辭弗允甲戌再主會試凡  
六司文衡六年考滿進少師兼太子太師華蓋殿  
太學士先是石齋楊公首秉朝政以父喪去位公  
言于武宗敕遣行人慰諭命有司卽其家督促  
上道楊公至公遜居其下士論多之武宗之將  
幸宣大也楊石齋暨敬所蔣公皆在告中外洵洵

莫敢先發。公與東萊毛公泣諫於左順門內。既而毛公亦在告。公獨廷爭。累日不得命。陝西親藩有請良田爲牧地。錢寧汪彬及宦官張忠輩受重賄請

上許之。兵部及科道交章執奏。謂

太祖高皇帝有禁。茲田不得畀藩封。上曰。朕念親親與之。勿爲間言。大學士楊廷和。蔣冕皆引疾不出。梁儲曰。公等皆托疾。如國家事何。是時

上怒甚。令內臣督促艸制。儲承命上制。草曰。昔太祖高皇帝著令曰。此地不畀藩封。非吝也。念此土

廣且饒。藩封得之。多畜士馬。饒富而驕。奸人誘爲不軌。不利宗社。今王請祈懇篤。朕念親親。其畀地於王。王得地。宜益謹。毋收聚奸人。毋多畜士馬。聽狂人勸爲不軌。震及邊方。危我社稷。是時雖欲保全親親。不可得已。王其慎之。毋忽。上覽制。駭曰。若是其可虞。其勿與已卯。上欲自巡邊。乃稱威武大將軍。詔宰臣草威武大將軍勅。大學士楊廷和。蔣冕皆引疾。上御左順門。召儲。儲奏曰。臣不敢草勅。上震怒。手劔立曰。不草勅。齒此劔。儲免冠解衣帶。伏地而泣曰。臣有罪。今日就死。他日



寺少卿。至十四年。轉南京太常卿。壬戌。虜火篩入。寇馬政廢弛。遷右副都御史。督理茶馬。十七年。清出荒熟牧地。凡十二萬八千四百七十三頃餘。奏准每年於陝西按察司揀用憲臣一員。于臨洮府駐劄。巡禁茶馬。又奏准選取都布按三司官三員。專候委任。及添注鞏昌平涼府同知官。不時聽委。十八年。又題准招商自出資本。買茶裝篋。轉運茶司。每一千斤。價五十兩。大約計官銀萬兩。舊買馬不過千匹。若此可得馬幾三千匹。其利在官。與開中商茶不同。至今以為便。甲子。虜賊大舉。大司馬

交正在內  
閣宜在兵  
部公在陝  
故兩公荐  
而用之

劉大夏薦為陝西巡撫。兼經理邊務。一清上疏陳邊事。劾罷總兵武安侯。及兵備不職者數人。請釋緣事守備楊宏。使自劾。裁抑鎮守中官支應。歲省數千金。劄城平虜紅古二處。以援固原。築垣頻河一帶。以捍靖虜。虜遂不敢渡河。己丑冬。虜數十萬入寧夏。乘勝直抵固原。一清率帳下五十餘人趨會總兵曹雄。眾遮道爭謂不可。以謂平涼一路絕無行人。叅政安惟學曰。公行何恃。一清不荅。徑去。賊聞一清至。遂掣眾北走。在陝未踰年。百務具舉。正德改元。朝廷以邊患方熾。兵權大分。命總制

全陝三邊軍馬。一清以寧夏花馬池係要害地。虜數繇以入。率官屬沿邊巡視。議處方略。上疏極陳戰守之策。脩濬垣塹。以固邊防。增設衛所。以壯邊兵。經理寧夏。以安內附。又上四事。復上六事。丁卯。忤劉瑾歸休。丹徒。復逮詔獄。賴大學士李文正救免。庚午。慶藩填鑄叛。起爲總制。靈州土人素苦漢官科。一清昔時多所釐革。已復踵舊。至是紛相訴訐。一清以大亂之後。但除其害。而不深究其人。閱舊築邊牆。自紅山橫城。高厚堅完。儼然巨障。念成功之甚難。歎前志之未遂。感而賦詩。有老去寸

心猶不灰。仗誰經略了餘忠。復入城訪求各營衛部領之賢否。而更置之。謂邊軍之困。本繇科差煩重。而私役買閑。爲弊居多。屯軍地去糧存。逋逃萬數。而湖地草灘。半爲將領所據。反役軍。采取以自封殖。於是鎮守太監王弼。及摠兵楊英。仇鉞。遊擊史鏞。監鎗少監馬良等。各退出役。占軍士。楊英。又將所收艸灘湖地。呈退三之二。鉞以下。各退有差。乃行巡撫。將本鎮馬步軍士。稽查實數。造冊在宮。凡有征調。全隊以出。一切雜差。循次撥用。毋得脫者。又通行各城堡。一體查處。禁革條陳。地方急務。



十數事上奏其大者如乞旌罵賊而死都指揮楊忠李睿逃難而殞百戶張欽等門閭仍廕其子以勵臣節皆與劉瑾意忤一清又奏總兵楊英喪失之餘士心不附乞將英取回調用薦副總兵仇鉞叅將保勣游擊將軍史鏞是時延綏鎮巡奏欲因燒荒會諸鎮兵搜索河套零賊一清上疏以謂漢中流賊未平調去沿邊官軍數多邊城空虛邊儲缺乏而河西達賊屢肆搶攘况河凍後達賊入套各鎮兵馬正當蓄鋒養銳以俟今乃無故出境搜索縱得數輩老弱殘敗餘心何補于事而往回動

經旬月糜費糧料傷損馬匹所得不償所失且舍門庭侵犯之虜而尋伏藏逃難之賊取笑外夷又遺書當道極論其事竟寢不行蓋瑾素憾一清特以事變倉卒不得已起用既平復悔乃矯詔改一清專在寧夏撫馭實陰奪其總制之權也無何瑾誅衆但知瑾之誅爲張永所發不知永實受算于一清遂成之耳踰月召爲戶部尚書尋加太子少保辛未順天山東河南盜起一清疏上十一事上嘉納改吏部起廢拔幽凡爲逆瑾所構陷連茹以起江西盜久未平薦按察副使吳廷舉山東盜日

熾又疏陳戰守撫馭賞罰機宜下兵部檄諸鎮施行及劉六劉七等聚衆數千充斥近圻兵部尚書王敞束手無策一清遂推用大將征討及文臣有才望者提督軍務又著令有能擒斬盜賊三名顯者陞一級大學士李東陽從中票旨極其褒美悉從所言施行都御史馬中錫提督軍務惠安伯張偉爲摠兵官同征流賊馬張不知兵專主招撫賊盜放縱大肆劫剝渠魁劉七屯兵近圻要請赦宥廷議將從之一清獨執不可已命大監谷大用總督軍務薦侍郎陸完爲提督及賊至鎮江貽書于

完願以拯溺救焚爲念星馳前去量帶西北勅兵數千人半駐江北以爲聲援半渡江南以備截殺彭提督仇總兵兵馬亦于南都以東隨便屯駐防邊一以壯金陵之保障一以爲瓜真二壩之防又思此賊出沒無常或奔淮陽通海二州以趨山東故淮鳳之兵不可撤山東之地不宜虛卒之金山之捷竟如所料云寇平加少保甲戌簡入內閣以時事多乖言不盡用乃因災異而上疏自劾疏入錢寧銜之遂謝政正德己卯秋宸濠變起一清以鎮江爲江南首郡此地有備則三吳無虞乃親閱

城設險。出粟賑軍。乃調金山鎮海官兵爲外援。設中軍營爲內應。故城內外恃以無恐。後武宗南征。幸其第。宴飲賡歌兩晝夜。有導一清從。容婉諫。遂不果行。嘉靖四年。再起總督三邊。卽以最急且切四事上疏。俱蒙擬行。及大學士楊廷和蔣冕毛紀去位。再召入閣。上以張錦奏遷顯陵事。諭一清對曰。地道尚靜。體魄宜安。山陵旣定。大事旣襄。無故舉遷。恐有他虞。况帝大葬之後。陛下自藩邸升爲天子。不謂之吉壤不可也。乃不果。

遷初。張孚敬桂萼二臣言。官多有論列。疑一清所授。二臣旣去。霍韜乃上疏毀一清。上疑之。遂乞歸。

大學士高文襄公傳

大學士高文襄公傳

公名拱字肅卿河南之新鄭人年十七魁其鄉辛丑成進士改翰林院庶吉士授編修時分宜華亭各以計相傾公無所見厚薄

穆宗為

裕王出閣講學居外府公為講官先在開道

王目屬而心儀之時人心洶洶

王日懷恐惻兩府襍居讒言肆出公周旋邸中竭力

盡心

王深倚重之考滿陞侍讀戊午典順天試尋陞侍講

學士在府凡九年。陞太常寺卿。管國子監祭酒事。王賜金繒甚厚。哽咽不能別。公雖去。講幄府中事無大小。必令中使往問。一日思先生甚親。書懷賢二字。遣中使賜至第。無何。又書忠貞二字。賜之。又書啓發弘多四字。賜之。壬戌。陞禮部左侍郎兼學士。知貢舉。科場諸弊。百五十年所不能正者。革之。殆盡。癸亥。改吏部左侍郎兼學士。掌詹事府事。時少宰缺。公當往。公曰。吏曹事不令兩侍郎知。吾無以報。

上而徒以虛名鎮百僚。無以為也。竟辭不就。乙丑。主

考會試。六月。陞禮部尚書兼學士。禮曹故自詞臣往。不習吏事。弊孔毳雜。公吏事精核。每出一語。奸吏股慄。俗弊以清。丙寅。進兼文淵閣大學士。叅預機務。未幾。召入直。賜直房。食用乘馬。時分御膳。畀之。閣臣入直西苑。自

世皇中年始。有事在直。無事在閣。

世皇諭閣臣曰。閣中政本。可輪一人往。徐文貞竟不往。曰。不能離

陛下也。袁文榮亦不往。曰。不能離

陛下也。公正色問文貞曰。公元老常直可矣。不才與

李郭兩公願日輪一人詣閣中習故事文貞拂然不樂會

世皇不豫入直諸公各移具出時江陵公尚為學士

以公事至語公曰君父病篤臣子移具可乎公愕

然曰吾意乃如此竟不出而吏科都給事中胡應

嘉有所授旨遂以是劾公曰

皇上違和正臣子籲天請代之時而拱乃為歸計此

何心也蓋以此激怒

世皇為傾公計會

世皇疾革不省覽龍馭上賓華亭公于袖中出艸詔

欲以遺命盡反先政公謂語太峻與安陽公對案

相向曰

先帝英主四十五年所行非盡不善

上親子非他人也三十登庸非幼小也乃明於

上前揚

先帝之罪以示天下如

先帝何且醮事

先帝幾欲止矣紫皇殿事誰為之而皆為

先帝罪乎土木之事一丈一尺皆彼父子視方畧而

盡為

先帝罪乎。詭隨於生前。而詆詈於身後。吾不忍也。相視淚下。語稍聞外廷。而忌者側目。會

上改元問閣臣。於是四臣各擬二字上。

上竟號隆慶。則公擬也。人謂

上意在公。又議登極賞軍事。公曰。

祖宗無此。自正統元年始也。

先帝以親藩入繼。時尚殷富。遂倍之。今第如正統事。行。則四百萬之中。可省二百萬。當事者竟如嘉靖。事行。而司農苦不支。會有言大臣某者。其人實有望。不當擬去。而首揆重違言者意。乃以揭請。

上裁。公曰。此端不可開。

先帝歷年多。通達國體。故請上裁。

今上即位甫數日。安得遍知羣下賢否。而使

上自裁。

上或難於裁。有所旁寄。天下事去矣。乃竟請

上裁。兩人嫌益開。言者爭謂公擅。而胡應嘉故以危

機中公。會大計。給事中欽被黜。應嘉上疏論救。諸

公以應嘉亂政。黜為民。公以嫌故不敢出一語。而

外廷爭謂公去應嘉矣。於是歐陽一敬輩論劾公

不少休。時公初在政府。無大異。而三月之間。言者

三十餘疏。公亦力請去。疏十二。故事拾遺不及閣臣。而南給事岑用賓。御史尹校。遂以公拾遺。公自念非請病。無以謝人言。遂力求去。不報。山一。高先生病邪。左右對曰。病甚。穆皇驚問左右曰。高先生病邪。左右對曰。病甚。穆皇猶弗忍。良久得請。賜馳驛遣行人護送。又賜銀幣以歸。既抵家。猶有白金蟒衣之賜。越一載。上思公不置。

詔還內閣。兼理吏部事。公至。慨然以天下爲已。任凡晨理閣事。午視部事。人謂公門無片楮。公曰。是奚足哉。大臣以體國爲忠。以匡國事爲美。區區小廉

古夾袋村  
聖錄之遺

細節耳。寧足多乎。往黜陟取辦倉卒。不無紕繆。公集諸司官各授之策曰。吏部職在知人。人不易知也。幸諸公早計之。某也德。德何如。某也才。才何如。書諸冊。某也不德。不德何如。某也不才。不才何如。書諸冊。某也所自見。某也得之何人。書諸冊。皆親封記之。月終以復於子。慎之哉。子且以此見諸君賢。每歲所得凡百八十餘冊。以爲參驗。以故賢否不淆。黜陟允當。非虜頻年入犯。中外以兵事爲憂。公曰。大司馬安危所係。至重也。不得其人。繇儲之不豫。少司馬止二員。此無事時耳。閱邊事未免假



於他官。或遇總督乏人。未免移於他處。假他官。則非本職。不便行事。移他處。則補於東。缺於西。彼此候代。動經歲時。不得履任。門庭誰禦。請於兵部。增侍郎二員。一遇巡閱。卽以一人往。邊方員缺。卽以一人往。凡邊方險隘。虜情緩急。將領賢否。士馬強弱。皆已曉暢。方畧素定。遇大司馬員缺。卽以補之。如此。而稱乏用。必不然也。兵乃專門之學。儲養本兵大臣。當自司屬始。兵部司屬。職在軍旅。而不擇其人。泛然以用。又往往遷爲他官。今宜特高其選。而以有智謀才力者克之。使其專官於此。不復他

遷。如邊方兵備。卽以司屬往。邊方撫臣。卽以兵備往。邊方總督。卽以撫臣往。而總督與在部侍郎。時出時入。以候尚書之缺。如此。而稱乏用。必不然也。邊方之臣。又宜特示優厚。使其功名常在。人先他官。不得與之論年月。脫或不稱。則律以法。使其功名常在。人後。如是。而猶不盡力。必不然也。邊關總督之臣。在邊日久。著有成績。當令回署。以休暇之後。不妨再出。使其精神不疲。而知慧不竭。以勤王事。爲濟。必多得

旨報可。已又上疏曰。方今邊徼用兵。惟是薊遼宣大

皇明世宗金 卷八十七  
延綏寧夏甘肅而南則閩廣是數處者一有警有  
所處分。祇隨奏報。多不中窾。請於是數處擇知兵  
事者一二人。使爲兵屬。彼有身家之慮。凡山川險  
易。將領賢否。奏報虛實。功罪真僞。可一問而得。請  
以是爲叅伍之資。得

旨報可。著爲令。甲。毛又上疏曰。臣惟邊方有司。有疆  
場之責。才者。猶。韃。不堪。卽優禮而鼓舞之。猶恐不  
振。乃官其地者。非襍流。則遷謫待之。旣薄。志意墮  
沮。又何望于展布。蓋徒以地苦其人。而曾不顧人  
之苦。其地也。徒以邊方爲遠。而不知遠安然後邇

安也。請擇年力精強。才氣超邁。兼通武事者。調用。  
有能保惠困窮。俾皆樂業者。以三年爲率。比內地  
超等陞遷。有能捍患禦敵者。以軍功論。不次擢用。  
卽繇此爲兵備。爲巡撫。爲總督。無不可。惟以治效。  
不以資格功名之路。旣開。則又有藉口。邊方以圖  
倖進者。不可不爲一定之說。薊遼則昌平。順義。密  
雲。懷柔。薊州。玉田。豐潤。遵化。平谷。遷安。撫寧。昌黎。  
樂亭。延慶。永寧。保安。安樂。山西則河曲。臨縣。忻州。  
崞縣。代州。五臺。繁峙。定襄。寧鄉。苛嵐。嵐縣。興縣。  
靜樂。保德。大同。懷仁。渾源。應州。山陰。朔州。馬邑。蔚

州廣靈廣昌靈丘陝西則固原靜寧隆德安定會  
寧蘭州環縣安塞安定保安清澗綏德米脂葭州  
吳堡神木府谷其他不得概以邊稱得

旨報可時虜甚警朝臣無經戰者人心震恐公乃以  
尚書陳希學曹邦輔侍郎王遴各率師背城列陣  
以待以京尹栗永祿南都御史護守山陵又起都  
御史劉燾於天津守通糧而以總督王崇古譚綸  
專征勦無內顧以侍郎戴才理餉是歲也虜竟不  
入霜降讞獄故事府部皆在冢宰當執筆至是大  
司寇意公閣臣不屑往公曰

上命我視吏部部事皆吾事也第須得情耳不至如  
往年問法司故牘唯唯耳於是秉燭視獄詞漏盡  
不休晝則集諸司議於朝房凡二十日往歲矜疑  
不越三四十人至是出冤獄一百三十有九人內  
王金輩六人謂以硝黃損

先帝聖躬以子殺父律置極典公驚曰豈有子爲  
天子而殺父之讐五年尚然在錄者乎

先帝臨御四十五年享年六十以正終天下所共知  
今蒙以非命天下後世將謂之何遂上疏明其說  
有

皇明世法錄 卷八  
旨皆釋之。往大計時。銓曹祇問藩臬爲黜陟。公多所參伍。或衆否獨留。衆可獨黜。其黜者必告以故。無不懼服。稱神明。謂前此未有也。已又策天下有司曰。各地方有何賢才尚隱淪。有何亮頑尚梗。正有何利當興。何所沮而弗興。何害當革。何所畏而弗革。皆得言之。令封識以告天下。事皆在目中矣。時天下重制科。輕科貢。公曰。天下制科處其三。科貢處其七。是崇其三而棄其七也。乃疏請惟賢是視。不計科貢。除吏時。其善地多留而不除。名曰養缺。公曰。民方無主。吾何以留爲。祇留以供用。且以供

真吏部

人之用耳。吾無所用。又不供人用。則何留焉。於是命選司凡所有缺。悉揭諸門外。使衆見之。故事。推陞時。皆主事揭授郎中。呈於冢宰。公曰。堂有侍郎。司有員外。疏皆列名。而事不與聞。何居。此不過欲行其私耳。吾其改是。令吏抱牘至後堂。二侍郎同所屬揭之。卽冢宰欲有所。上下不能也。塩馬之官。暨遠方府守。人皆薄視之。以故善政無聞。請以賢者往。不得復有低昂。積穀。遇貧薄之區。則何以取盈。完糧。當苦寒之地。則何以足數。於是特寬其額。而官不苦難。教官暨驛遞閘壩等官。本無民社。而

竟處以他省遠方。使有官者不能赴。而去官者不得歸。乃請得選本省。人皆稱便。它如開王親內轉之例。覆一甲讀書之規。正撫按舉劾之差。覈京官考滿之實。分進士講律之會。定王官陞授之條。議有司捕盜之格。遂使朝無偏黨。官無煩苛。九州四海。雷動風行矣。廣東昔稱樂土。後爲盜區。上官計無可施。每以撫爲得策。公請以殷正茂爲總督。促其勦除。勿致養寇。先是貴州撫臣白土官安國亨叛逆。當勦。久而不克。公復偵知國亨非叛。而巡撫者輕聽讒。而倖功也。乃以少卿阮文中往。受計行

阮至貴。得實如公言。然狃于浮議。語多依違。公復之書曰。民夷異類。順逆殊途。稍有釁隙。當自處分。不可過言於

君父之前。

君父威在必伸。一有叛逆。便當撲滅。可但已乎。事非其真。過以言之。則將何以處也。安國亨安智夷族。自相讐殺。何謂叛逆。而撫臣以告國亨。禍不測。且圖苟全。有司不原其情。激而成變。卽以爲叛逆之證。可恨也。國亨上疏乞哀。叛逆者若是耶。有司仍以叛逆論之。遂使

此一事有功生民多矣

皇明世法錄 卷八  
朝廷欲開釋而無繇國亨欲投順而無路且智國亨  
讐也智在省則國亨疑畏日深是挑之使鬪而增  
吾多事也愚謂國亨有罪而不可輕言叛逆安智  
當有安置而不可省居時彼中號令未明國亨疑  
畏不肯赴理聲言撫臣以勘誘我殺我乃擁兵自  
衛於是撫臣上疏請兵糧為征勦計公曰嘻誤矣  
國亨不出者疑畏深也處以叛逆彼將叛逆自為  
也彼夷酋耳族滅何為時在閣思之旋牀而走同  
官者曰公何旋牀走公曰思貴州事耳從之則非  
計無從則失威今撫臣疏請征勦而國亨亦奏辯

吾意兩行之而以一科臣往勘彼聞勘官且至以  
身既在勘當不敢殺我我出聽理乃可以自明而  
乃治其本罪亂或可戢也胥曰善公名職方郎中  
至授意遂得請而以科臣賈三近往公復面授方  
略乃國亨聞科臣且來果喜曰吾生矣吾豈叛逆  
者哉語達京師先是阮約以五事而國亨母子狐  
疑不出至是乃將漢夷犯人王寬吳瓊阿第輩獻  
出而母子出就理輸銀四萬一千有奇抵罪蓋科  
臣未至而事已定矣故黔國公沐朝弼既謝事請  
入南京赴葬撫按奏曰沐昌祚政事清明以致歲

豐朝弼逼走昌祚。不知所往。請將朝弼錮南京。毋令回鎮。兵部來問計。公曰。誤矣。雲南守巡故以挫沐爲丰采。今又其故智耳。領鎮之人衆所寓目。而謂不知所往。昌祚孺子耳。安能感動天地。朝弼安能爲惡。如有罪。朝廷以檻車逮之。如之何其賺之。令歸耳。後數日。昌祚奏至。請還其父。且言撫按所奏誣也。廷臣益信公神明。有如撫按言。則今何以處。北虜俺答孫把漢那吉來降。邊報至中朝。人心洶洶。罔知所措。公曰。是奚足懼。顧老酋愛其孫耳。繼報者至。曰。酋婦

甚愛其孫。而老酋甚懼其婦。泣欲得孫耳。公曰。虜敢擁兵來索。吾必殺之。令退去。虜果退去。公請加那吉指揮使。賚以章服。又語邊臣。令盛其騶從。騎馬街行。使衆見之。老酋初意中國殺之也。乃聞不殺。又加以官。又美衣食。騎馬街行。大過望。而又知不可得。於是公請下令。獻我叛人趙全等。以贖其孫。奄酋果以計招全等。全等皆中國人。而爲虜用。居板升。領衆數萬。所居左曰鳳閣。右曰蟾宮。門曰宣化。墻屋皆繪龍鳳。往歲破城殺吏。皆其爲也。世皇懸重賞購之。得其一爵通侯。然竟不可得。公乃

皇明世法錄 卷八  
請許那吉歸。又令邊臣以緋袍金帶鶴蓋鼓吹送之。又宣諭俺答曰：那吉是我中國臣，若善視之，老酋夫婦既喜得孫，而又見其榮寵，南向取胡騎叩首呼萬歲，而封貢事之議起矣。先生親詣射所，面質全等，全果驍騫異常，次李自馨者，諸生也。凡數十言不能了者，全一言而畢。先生因問虜今歲不入故，全曰：虜豈能不畏歿哉？偵是處有兵，是處有糧，人有鬪志，不敢入耳。遂收獄盡磔於市。全等顧其屬九人曰：吾屬被擒，邊事寧矣。至封貢事，虜哀求日懈，而中朝疑畏日深，盈庭之議有如鼎沸，動

以宋人講和爲辭。公曰：天下之事，以已求人，機在人，以人求已，機在己。宋人求和於虜，機在虜，故曰講。今虜求貢於我，機在我，直許之而已。彼曉曉者，豈爲國籌利害哉？徒念重大，恐有不效，留爲後言耳。乃請封俺答爲順義王，其餘都督指揮千百戶有差，而套虜吉能等亦請願如例。而三邊總督難之，公擬

旨切責，復貽之書。三邊宜大似難異同，異同則宜大之，市方開，而三邊之擾如故，豈無俺答之人，稱吉能而擾三邊者乎？亦豈無吉能之人，稱俺答而市



皇明世宗 卷八  
宣大者乎。是宣大有市而又擾也。三邊苦擾而實市也。同則兩利。異則兩壞。總督者議始協。於是俺答進馬謝。

恩。吉能亦附焉。而西北沿邊一帶。民狎其野。稽人成功。雖深夜獨行。無誰何者。于是公上疏曰。嘉靖十九年。北虜遣使求貢。不過貪賞賚。與互市之利耳。邊吏倉卒。不知所策。當事之臣。憚於主計。直却其請。斬使絕之。以致黠虜怨憤。擁衆大舉。此往歲失計之明驗也。今天祐國家。請貢親藩。可以息境土之蹂踐。可以免生靈之荼毒。可以省內帑之供億。

可以停士馬之調遣。乘此闕暇。修我邊備。若見寧息。遂爾偷安。則從此邊備寢弛。卒然有變。將何以應。是臣等謀國之忠。反成誤國之罪矣。請每歲特遣才望大臣。四出閱視。以今視昔。錢穀贏幾何。兵馬增幾何。器械整幾何。其他屯田鹽法。以及諸事。拓廣幾何。果有成績。論武功爵。若襲故常。罪如失機。

上嘉納之。蓋今三十餘年。而疆圉晏如也。虜既貪我財物。虜中婦女亦貪我繒帛。惟恐罷市。我得伸縮而制之。諸所爲貢市費者。即取諸曩日幕府出征。

之費不及半耳。虜得我金錢非盡携以歸也。我之羣商又因而為利而我數十年所全百萬之命所省百萬之費可按揭藉而求屈指而論也。

穆皇久不出，欽天監卜吉，且視朝鐘鼓嚴傳，宣閣下急，公疾趨而至，則

穆皇已立於墀矣，執公手非行，至乾清宮，公不敢入。穆皇顧曰：送我公承

旨直至乾清宮。上御榻坐，手猶未釋也。有

旨高閣老夜宿乾清宮門外，公謂張公：吾二人一去

一留，是示人重輕也。吾為公奏得旨，二閣臣皆在乾清宮門外，薄暮又奏曰：禁地非人

臣所宜宿，願宿闕門。陛下有名，可頃刻而至，上可之。百官出，十八日，

御體漸復，公具疏請上懲忿寡慾，覽奏甚喜。越二日，

聖恙復劇，公流涕無已。四月二十四日，申刻宣內閣受顧命，司禮監以二札一授

皇太子，一授公，蓋遺

詔也。公泣奏曰：受

陛下厚恩，誓以死報。奏畢，大哭。

兩宮亦大哭。二內臣挾公長號以出。

今上登極，公上言五事。一謂

御門聽政，玉音親答，以見政令出自

主上。二謂題奏繁文，難以遍閱，自有節要，請先籤出

以便省覽。三謂事必面奏，乃得盡情。四謂大小章

奏，俱發內閣看詳。若或未經發擬，徑自內批者，容

臣等執奏。五謂官民章疏，當行當止，未有留中之

理，得

旨報可，而同事者遂以此用間。翠一日有

旨逐公，公即乘騾車去。道傍之人，有流涕者。公歸杜

門謝客，口不言時事。未幾而有三大臣之獄，柄人

將借以殺公，已差五較往新鄭，有所逮，會廷鞫之。

日，白日晝暝，而公獲免。萬曆六年卒于家。祭葬止

半給，又二十餘年，值建儲大典，嗣子務觀具疏上

有

旨，高某擔當受降北虜，親臣功不可泯，贈太師謚文

襄，廕一子尚寶司丞。



遷舉鏊自代。時中官劉瑾欲引冢宰焦芳。而衆議推鏊。遂與焦俱入閣。大司馬華容劉大夏以瑾舊怨。逮至京。坐激變。土官岑氏罪。死律。鏊言岑氏未叛。何名爲激變。以故劉得減死。或惡石淙楊一清於瑾。謂其築邊太費。鏊言楊爲國修邊。乃可以功爲罪乎。瑾議焚廢后吳氏喪。以減迹。曰喪不可成服。鏊言服可以不成。葬不可以苟。景泰汪妃薨。鏊言妃廢。不以罪。宜復其故號。葬以妃。祭以后。皆從之。當是時。瑾權傾中外。然見鏊開誠與言。初亦間聽。及焦芳專事。媵阿。鏊阻之。不能得。於是懇疏三

上。遂得許。嘉靖初。遣行人存問。曰。朕行且召卿。公疏謝。乞

上講學親政。大禮議起。連逐輔臣。士類咸願起鏊。未及起。病卒。年七十五。巡撫吳廷舉上言。鏊高文清節。守道見幾。洞庭雲臥。望重東山。震澤波澄。名高北海。乞與褒恤。贈太傅。謚文恪。

太師申文定公傳 泰和郭子章撰

太師申文定公傳 泰和郭子章撰

公諱時行字汝默別號瑤泉晚捐相印歸休號休  
休居士年七十病劇而間更自號曰蘇菴主人其  
先神農之後在唐虞為四岳在周為宣王舅申伯  
封于謝楚有無宇漢有培公或在魯或在魏皆申  
伯後在魏者宗勉最著南渡後居吳中皆宗勉後  
其墓于吳山者自敏三始敏三傳官保官保傳恭  
恭傳源源傳鎡鎡傳博博傳周是為公曾王父周  
傳乾是為公王父幼育外兄徐翁遂從徐姓公及  
第後始奏復申乾傳士章即公父自公父以上至

皇明世法錄 卷八十一  
曾王父俱以公貴。贈左柱國少師。母王。生公。早卒。贈一品夫人。繼母黃。封一品太夫人。公誕于嘉靖乙未。生有異徵。十歲即嫻舉子業。年十二。能爲古文詞。陸貞山先生手而驚喜曰。此無待教。馳攻駒而千里者。奇才也。比出試邑郡。及督學使者。輒褒然爲舉首。聲籍籍起。吳人稱爲經神學海。從游者如細流。赴巨壑。不呼而集。公乃手勒尚書解一帙。傳示羣弟子。弟子守爲指歸。乙卯下第。公下董帷。攻苦曰。爲者常成。行者常至。作祛倦鬼文自勵。其後斯文傳播入禁中。

御筆改鬼爲魔。命中書繕寫揭御屏。或曰此即漢武讀相如賦。唐德批韓翊詩也。己未丁父憂。辛酉七月。服闋。學使者吳公遵置遺才第一。時吳令其編卷號于句容佛閣。至公卷。忽有一巨人從空冉冉下。左右吏胥相顧錯愕。識者曰。此大魁之祥也。秋鄉試。公果以尚書魁第三人。明年壬戌。廷對及第第一。授翰林脩撰。時

上事高玄。公座師袁文榮。公入直。應制不給。多倚辦。公。公一日代表袁公草進白兔表。及白兔瑞應詩。稱旨。詞林拱手韜翰。以文事推高。公不自炫也。居恒鑄

皇明世法錄 卷八十一  
戶枕經籍書自言曰。欲觀聖王之跡。則于粲然者  
矣。

本朝二百餘年典章令甲。尋其枝葉。窮其根。苑晰  
其利害。叅其顛末。以待異日。癸亥以王父承重憂  
歸。公益自韜斂。杜門養重。丙寅服闋。丁卯復除原  
官時。華亭徐文貞公階居首揆。特器重公曰。此維  
桑後來之儁。他日可肩巨受大者。而新鄭高文襄  
公拱與華亭有郤。比選今

上東宮講讀官。盡屬新鄭所取。乙丑士而公積在前  
薪。絕不以言。庚午。公副丁文懿公士美典順天鄉  
試。所遴士半升南宮。有會元二。鼎甲二。宗伯一。大  
學士一。即么麼如章。得侍門墻。皆公所陶鑄也。辛  
未二月分較禮經。復得趙宗伯用賢。以忠諫名。得  
夏司寇良心。以循良名。以人事主。孰與公多。尋晉  
公宮允。克經筵日講。秋九月。

詔都試天下林官。公仍副丁公典試事。是科武舉以  
謀勇著稱。幾半其額。無何晉宮諭。晉副總裁。克修  
世廟實錄。未幾

穆廟升遐。例有詔誥鼎革事宜。多出公擘畫。而勸進  
箋表。聞



皇太后及

今上覽之色動。是時公齡未四十。而留心憂國。擇思  
摘藻。不三月。髮星星白矣。癸酉

上登極。晉宮庶。仍直日講。公繇是歲克講官。迄戊寅  
前後六載。所講四書通鑑。出公裁定者十七。而尚  
書則公以顓經獨任。江陵曰。是可傳也。曾奏

上俱梓之內府。甲戌。晉宮詹少尹兼侍讀學士。視翰  
篆如故。兼理清黃。凡軍職黃簿具載於武弁系功  
次。及升調降革緣繇。以其副藏內府。爲襲替張本  
先是樞吏作奸。敘裔以旁爲正。敘績以贗爲真。魯

魚亥豕。漫漶不可方物。公悉心較勘。蕪者削之。譌  
者正之。互異者乙之。務令前所類進黃冊。與近供  
相應。至今甲戌以前。內黃犁然別白。皆公手筆云。  
丙子。晉宮詹正尹。克會典副總裁。會典始自弘治。  
迄今

上踐祚可八十餘載。損益因革之故。教禮刑政之條。  
今昔差池。南北刺謬。公曰。此昭代典章也。如承訛  
襲舛。因陋就寡。其何能訓。乃問于遺老。咨于故實。  
視諸故府。覈之新志。一切綱領義例。悉公苦心創  
定。如會計。如典禮。如邊防。如河漕諸大政。務規範

皇明世宗金 卷之二  
本體剪截浮詞著爲令甲。凡十有二載告竣。雖成之羣策。公鎔裁居多焉。丁丑。公同蒲州張文毅公四維主會試。是科得人如沈公懋學。魏公允貞。余公繼登。教公文禎。馮公琦。鄒公元標。朱公廷益。皆公手拔而登延者。卒爲名臣。八月。晉公禮右侍。以穆廟實錄成。加太子賓客。已改吏右侍。是年江陵奪情事起。一時

廷杖五公。公不勝義憤。拉王文肅公詣政府力解。不可得。公謂王公曰。事急矣。吾輩不以身庇恐令朝廷負殺諫臣名。乃丙夜密從緹帥楊公俊卿謀調

護之。諸公拜杖出。公與王公時時餽橐。夜半訛傳沈鄒兩公且不諱。公立遣奚奴迎醫視創。公披衣立露下候報。報云沈昏默不語。鄒私語奚奴寄謝吾師。吾神懷如故。可以不死報國。時漏下四鼓。公乃就寢。當沈公竄粵時。家乏強幹。宿春猝無以辦。公一一料理。遣蒼頭護行。迨還。沈公持蒼頭叩首曰。師實生我矣。鄒公賜環時。曾語罔卿曰。吾師顧我于死生患難之時。振我于解甲登朝之日。其何以報。惟始終亢節。無負朝廷不殺諫臣之誼。乃所爲報耳。是時給諫趙沈鄒俱出公門。吳又公

同年人謂公扶維得力而公不任德戊寅春  
上一日傳旨增置閣臣廷推大宗伯馬公自強及公  
名上


上晉公吏左侍兼東閣大學士叅與機務公辭不允  
乃孜孜以格君體國為念嘗題座右收斂精神平  
居如對

君父講求政務夢寐毋忘  
國家蓋公所自矢也已卯春正月

上致齋文華殿會江西樂安等府宗室宸涼等六百  
餘人俱以多燿多燉等互訐擅婚連名奏辨

上省覽粹名閣臣入公條奏甚悉大畧謂以例論宸  
涼等六百餘人於法當奪如以情論授封在嘉靖  
二十八年以前彼時條例未布雖有違碍例前可  
憫合無念其年遠人眾以二十八年為斷仍請告  
諭諸宗以為經久可行之制

上深然之詳起居注中公以三品考滿晉禮書是歲  
江南災公乃倡言今日揀時急務要在休養生息  
之意多而鉤鋤搏擊之事少庶可保固根本振起  
凋疲因手疏急務條上如修圩岸以障水患酌催  
科以安人心禁奢侈以厚民俗割長單以釐糧運



三朝十法錄 卷八十七  
諸弊皆公所惓惓三致意者庚辰公主會試所舉  
皆知名士。

廷試江陵以伊子鼎甲爲請且示以

上意公佯爲不省列二甲中江陵怒密從保璫處易  
置中外譁然而知非公意時江南北並災淮揚爲  
甚漕撫從公策事公以流移班軍班價之說告漕  
撫以奏班軍減四之一班價亦如之江南風潮爲  
災撫臣以改折漕糧請公從中從與之竟有

旨改折一年公之流膏東南沁入吳越如此壬午夏  
五月江陵卒蒲州爲政謂公曰今當稂莠之餘要

在芟刈公曰吾以爲肅殺之後應有陽春二公指  
各有攸歸而公意深遠矣會秋八月

皇長子生公喜曰時哉不可失也  
上宜有大慶施于天下蒲州亦以爲然乃盡出諸司  
所擬寬條屬公損益上之識者謂此番詔書真所  
謂寒後陽春也先是江陵黨與假江陵遺疏起新  
昌位公上而逼蒲州及新昌論罷又設事構隙并  
劾蒲州。

上持其章不下公曰予其及矣乃具言徐爵諸人表  
裏爲奸狀。

皇明世法錄 卷之二十七  
上怒立鑄御史官。而督過保璫殊甚。語浸淫外聞。諸言官緣不公曰其又具言附錄入。上意指共劾之。

上立諭公擬旨下爵。詔獄論死。安置保于南京。籍其家。而趣蒲州出。蒲州出。謝公曰。微公從中力援。幾盡一網矣。初羣喙諧諧詞語百車。二公不無少生得失。至是如初。公以

覃恩進少保。具疏力辭不允。癸未。會試蒲州。長子甲徵為冏卿中式。魏侍御允貞引韓忠憲事抗章云。俟兩輔去任後。方可入對。蓋過懲丁丑庚辰事。虞

閣臣之復路前轍也。公大韙侍御言。懇

上允其議。上不從。四月蒲州憂歸。公始為政。擬蒲州。馳郵極隆。又疏請簡用閣臣。乃薦新安許公國。

上從之。已議起廢吳趙二公。晉宮坊。旋日直講讀。一時大小臣工。以言得罪。以冤見抑者。次第登用。盡洗昔時杖下之習。而言路益明。張肅清矣。已而止。太和內監干預都司之勅。減三吳織造之額。寢戚。晚李偉國公之贈請。潞邸之國之疏止。遼府。爵土之復恤。江陵老母之田。

上一一從之。是歲以雲南隴川獻俘。擬晉公少師中

極殿。公力辭。止晉官一階。予文廕。

本朝閣臣自張文毅公以前。凡有軍功。無不廕錦衣者。其有軍功無世廕。自公始。嗣後遼左報捷。

慈寧工竣。會典告成。

上咸特勅褒。公晉秩。公累疏辭不拜。嘗語同卿曰。吾叨冒極矣。深恩難報。厚福難消。人以為名言。詹侍御講請。王文成守仁。陳簡討獻章。從祀。浮議紛紛。詆王霸儒。訾陳偽學。請獨祀胡布衣居仁。公疏云。守仁言。致知出大學。良知出孟子。陳言主靜。沿周程。未嘗立門戶也。氣節如居仁。功業如守仁。孝友。

如獻章。非禪也。請并祀三賢于薛文清後。亦足增光盛世。

上卽允行。乙酉。余文敏公卒。公屢疏薦太倉王公錫爵。山陰王公家屏。不報。至是復疏得請。大快輿論。夏五月大旱。公具疏引咎乞罷。

上降旨慰留。自責精誠未格。公遂力請敘錄。言官減。上供袍服。停新樣磁器。蠲免天下災荒錢糧。卹錄。熱審罪犯。俱次第允行。已復請。

上罪已省躬。齋心籲帝。布袍蔬食。虔禱郊壇。上悉從公請。是日戊午昧爽。

上從大明門却輦步行。公同兩輔後隨。

上數行。數目公使近前。至南郊。

上躬禱畢。出御幄次。

上特召公面諭。公隨撰勅宣上德意。并擬傳帖進覽。

上加納之。逾月。公考一品滿。加特進光祿大夫。支正

一品俸。仍廕一子中翰。賜宴禮部。公疏辭不允。舊

例閣臣九年考滿。始得賜宴。公以初考。于例非當。

復具疏力辭。俱不允。再降旨勉公祇承。以成君臣

相得之美。

上一日。幸兵仗局觀兵器。或言

先朝有內教場。蓋指正德年間事也。

上欣然舉行。乃選內監二千餘人更班團練。寅入晨

散。援枹執銃。砲聲相聞。鼓賊徒謀。外議洶洶。公深

以為憂。乃同同官具疏懇罷。大畧謂

宸御清嚴。宮庭邃密。詎宜有此。及今停止。一以安人

心。一以杜亂萌。一以養君德。一以省濫費。不爾恐

蹈正德年間覆轍。不報。時臺省亦以為言。而刑部

董主事基言尤剴切。

上怒欲重譴之。公復極言救解。得薄責外任。然弓矢

未橐旂。旻如故。公曰。此未可以口舌爭也。乃因文

先事預防  
公用意深  
遠

書房傳語司禮諸大璫云。此事屬在禁廷。諸人擐甲荷戈。未明入內。設奸徒竄入。爲害叵測。即有緩急。外廷不得聞。宿衛不入。吾輩大臣束手無計。此皆公等剝膚之患也。諸大璫皆竦然變色。乃乘間復以閣臣言力奏。

上遂命撤止。公之牘諫潛移類此。召對之典。泰陵永陵間行之。廢亦久矣。

上一日朝罷。御煖閣。召閣臣入。

上以董侍御子行疏。手授公。疏中一謂撫鎮官當親自巡歷。一謂巡撫宜久任責成。一謂邊方司道宜

加優異。一謂沿邊佐貳官員宜慎選用。破格遷除。公受贖。且披且奏。

上悉首肯。召對久廢。一旦肇舉。中外臣工喜色相慶。翕然有太平之望焉。時吏治皆窳。賄賂成風。公特疏畧曰。人臣以潔已奉公爲賢。國家以獎廉禁貪爲要。聞先年郡縣積貯多。係撫按贓罰。朝廷旣括之濟邊。而撫按又取之克費。非惟無餘。勢不得不多受詞。多問罪。其爲民害不淺。夫濟邊有定額。不可復減。莫若節之于公費。或衙門公費。不可盡裁。莫若省之于餽遺。餽遺者其始以交際爲名。以



通贄爲禮交際不已則廣餽遺餽遺不節必成賄  
賂撫按無以禁司道司道無以禁有司而欲郡縣  
起廉平之政閭閻免愁歎之聲胡可得也懇乞  
明旨申飭先自臣等及部院大臣始今  
朝覲在邇敢有挾貲入京仍前通餽違禁者盡法處  
治然後貪風可革仕路可清擬  
聖諭一道進覽  
上卽褒荅勅嚴行之秋八月  
上傳旨親閱壽宮十三日  
駕幸大峪有

旨吉典用大峪山本朕親定工作方輿不必更議以  
滋煩擾前命卿覆閱止以首臣會同該部詳看以  
示慎重內閣職任匡贊豈以技術爲重輕至是吉  
壤始定羣議始息

駕還感恩殿御東室賜公玉帶羅衣是日

上以重陽令節循諸陵而行回鑾復登鞏華城樓宴  
飲及夕夜將半閣臣叩闈者再

上猶未返公具揭力請

上乃還行宮公擁衛

聖躬諫止夜游有古大臣風概云丙戌春正月

公當年惟  
以國本未  
定爲慮歲  
省題請冊  
立蓋有所  
專重也

皇長子五齡矣公念

上亦以五齡出閣講讀乃約同官於歲首題請冊立

東宮以重國本畧曰國本係于元良主器莫若長

子故漢臣有云早建太子所以尊宗廟重社稷也

皇上德澤浹於寰區嘉祥鍾於胤嗣自萬曆十年

元子誕生詔告天下五年於茲矣即今麟趾螽斯方

興未艾正名定分宜在茲時查得

祖宗朝故事

宣宗以宣德三年立

英宗爲皇太子時年二歲

憲宗以成化十一年立

孝宗爲皇太子時年六歲

孝宗以弘治五年立

武宗爲皇太子尚未週歲蓋冢嗣升儲所以明震器

之重冲年貽哲所以端蒙養之功成憲具存昭然

可考今

元子聰明克類岐嶷夙成中外臣民屬心已久伏望

皇上深惟大計以今春吉旦勅下禮部早建儲以慰

億兆人之望以固千萬世之基至于出閣講學及

朝賀等儀不妨次第上請疏入

上降旨云卿等以冊立元子請朕見嬰弱少俟二三年舉行越一日公復疏曰冊建儲宮國家大典

皇上特以元良之重故謙讓未遑又或以禮節之繁

欲從容少待但葵藿微忠尚有不能已者自古享

國長久莫若成周善輔養太子亦莫若成周蓋自

孩提有識已備師傅之官抗世子之法矣

列聖建儲多以冲年寔法成周遺意今

元子方及五齡雖未甚壯然比之宣孝兩朝已過期

矣如欲修講學之故事備朝賀之盛儀或恐嬰弱

之年勤勞未習若但舉行建儲之禮在宮中不過

一受冊在文華殿不過一受朝未為勞也而名號

既正千萬世之統攸歸典禮一新億兆人之望斯

慰其講學等儀遵奉

明旨少俟二三年則貽燕之謀保愛之道兩得之矣

疏入

上曰卿再疏悉見忠君慮國朕已知之矣是時中外

晏然無有慮及國本者公獨懇疏倡言

上亦絕無他意惟是廷臣揣摩欲捷得之以定國本

紛如蝟起故浸不能堪始有疑君立幼廢長置朕

不善之語意遂逡巡矣已議水田

皇明世宗 卷之七  
上意欲詰責建議者。公力救徐尚寶貞明。且云人情營私者多。奉公者少。畏難者多。任事者少。若以建議爲罪。將來必至。以言爲諱。誰肯爲國肩事。周府中尉勤倂越關。愬寃語侵撫按官。上意欲逮撫按。公力抹撫按。且云國家大紀綱。有四親王。轄宗儀。將軍。轄軍士。有司轄百姓。提學。轄生員。故大小相維。而天下治。若宗室事不問。親王不下。撫按。此亂之道也。

上皆然之。秋九月。山陰王公以憂去。公疏請博簡才賢。以隆政本。意屬于公。慎行。沈公鯉。大要謂見在臣等三人。貫皆南籍。生長旣囿于一隅。智慮未周于四海。竊恐曠瘼職業。孤負恩私。仰祈

聖明特簡。或令臣等疏名上請。庶得盡芻蕘之見。且可免桑梓之嫌。不報。是歲水旱異常。災荒洊至。公疏宜勅災重地方。暫緩催徵。設法賑濟。如有饑民。嘯聚搶掠者。務申嚴保甲。團集兵卒。禽治正法。庶使潢池赤子。毋敢有揭竿制挺爲難者。擬

聖諭一道。內令借發臨德二倉餘米。以克賑濟。借支太僕馬價四十萬。以資糴本。而又以四事責成撫按。令每月一奏報。曰田禾有無播種。曰雨雪有無

沾足曰人民有無流亡曰盜賊有無寧戢

上稱善即令中書官謄寫頒示一時有司廩廩奉職

庶幾菑而不害云丁亥春正月公語同事云冊立

久稽異議漸起今將建儲封王竝舉庶愜

聖衷體統各正乃引

高皇帝詔旨疏請

宸斷竝舉建儲封王吉典以慰人心以承天祐畧曰

本朝故事

成祖以永樂三年立

仁宗為皇太子即封趙王

英宗以天順元年立

憲宗為皇太子即封德崇等王臣

列聖傳家世守之法仰體

皇上愛子均一之情竊謂

皇長子宜正東宮

皇第三子宜即分封大國一時竝舉尤為盛事疏入

不報戊子春二月

上御經筵講畢命司禮傳諭內閣唐宗有慚德魏徵

虧大節以後止講禮記罷貞觀政要公顧同官曰

上天縱聰明日新學問其于剖析義理權衡人物卓

有定評如此。相與慶幸。遂具奏畧曰。唐太宗開基創業。身致太平。史稱其平隋之亂。比跡湯武。致治之盛。庶幾成康。納諫如流。改過不吝。亦三代以下賢君也。魏徵事有為之主。當不諱之朝。知無不言。言無不盡。王珪稱其恥君不及堯舜。以諫諍為已任。其十思十漸之疏。後世皆以為讜言。亦三代以下直臣也。至于閨門慚德。忘君事仇。誠如

聖諭。臣等惟願

皇上以二帝三王為必可師。以唐虞三代之治為必可復。宗社臣民幸甚。至于通鑑纂要。大學衍義。于

君德治道有裨。相應兼講

上嘉納之。時公自閣中簡故牘。得

高皇帝御筆。凡勅諭詩文。共七十六道。裝演以進。而

入告曰。望

皇上于語言文字之中。求

聖祖之精蘊。于陟降存著之頃。法

聖祖之憂勤。

上覽疏喜曰。朕當留覽珍藏。是歲直隸浙江撫按官奏報災荒地方。如南通州數百人。邀捨米麥。餘千縣數百人。晝劫民間糧食。昌國衛軍人因放糧稍

皇明世法錄 卷八十一  
遲。卽將衛官圍擁。倉官捆射。公上言。恤窮民。所以收拾人心。繩亂民。所以消弭禍亂。今時值饑荒。事干人衆。搶奪不已。必至劫掠。劫掠不已。必至叛亂。撫按未奉。

明旨。孰敢以重法繩之。人有玩心。漸不可長。臣謂今須責成撫按。假以便宜。令督率兵巡。嚴加緝獲。遇有鄉村城市聚衆搶掠者。卽將首惡數人擒拏梟示。毋得苟且養奸。姑息釀禍。庶人知畏憚。地方稍安。至于減價平糴之說。惟官府可行。民間不可強行。今官府既無穀米。可以減糶。而徒責之民間。則

積穀之家。皆深藏而不敢市。是趣之增價也。閉糶之禁。原有明旨。而地方官各私其土。本管之外。漠不相關。臣以爲平糶徒足擾民。無益事實。退糶。曷爲厲民有傷。治體皆宜申明禁飭。

上曰可。其嚴勅行之。

庚寅元日

上御毓德宮煖閣

召四輔入

上手示。雜廷評于仁。疏謂其肆口妄言。觸怒感疾。聲色俱厲。必欲嚴譴。公奏。小臣輕信訛傳。干冒

皇明世法錄 卷八十一  
天威誠爲有罪。顧處分過當。恐彰拒諫。照舊留中。乃見容德。公以疏繳置。

御前者三。反覆勸解良久。

天顏稍和。因謂公曰。朕是心。先生是股肱。心非股肱。何以運動。又曰。朕旣委任。須替朕主張。任勞任怨。公同同官叩首謝曰。敢不服膺。因勸

上涵養聖德。保養聖躬。清心寡欲。戒氣平情。已又勸上時御朝講。以慰羣情瞻仰。已又以建儲豫教上請。上俱令司禮援止之云。俟宣長哥與先生每一見。公

聞言喜甚。有頃。

上傳語令公將鯨璫訓責。公辭不獲。乃以

上意訓責之畢。已

皇長子

皇三子俱至。

上於榻前手携

皇長子向明正立。公等注視。因奏曰。

皇長子龍姿鳳目。岐嶷非凡。

皇三子玉筍蘭芽。娟秀可愛。仰見

皇上昌後之仁。齊天之福。昔商山四皓一出。而羽翼



遂成。臣等雖不及古人而幸遇  
聖明。特鍾慈愛。造膝之一見。賢于苦口之萬言。臣等  
舞抃。何能已已。詳

名對錄中。公于次日。即疏請立

元子。越旬。以豫教請。俱不報。至夏四月。南北兩京九  
卿科道。咸合辭疏請。公復約同官再申前請。畧曰。  
建儲一事。前有皇長子始生之明詔。後有臣等節  
年所奉之屢旨。公有兩京各衙門之合奏。私有皇  
親鄭國泰之專請。近有都城委巷之流言。遠有四  
方萬姓之屬望。而上則臨之以

九廟之神靈

兩宮之慈訓

皇上豈可差舉一念。而臣等亦豈可苟順一言。今

皇長子已十齡矣。而冊立未舉。出閣無期。師友未親。  
名位未定。以先後長幼之序而言。則不疑而生疑。  
恐訛言日興。非所以信明詔也。以安危治亂之機。  
而言。則當斷而久不斷。恐窺伺漸起。非所以固大  
業也。疏入不報。越二日。公又特疏曰。當今第一大  
計。無如冊立

元子。而臣等第一職業。亦無如建儲一事。夫

公言懇至  
何啻商山  
四皓

祖宗家法傳昇萬世。

列聖相承儲位未有不歸。

元嗣者。

皇上纂

祖宗之緒須守

祖宗之法。

皇長子當正儲位萬萬不可遲疑一也臣等先年奉

旨云立儲以長幼爲序今年又奉

旨云父子至親長幼有序元旦之辰

皇上親挈

元子令臣等諦視又親諭臣等長幼自有定序今言

猶在耳。

皇上豈得失信于天下失信于臣等二也向來道路

訛傳皆謂

皇貴妃獨蒙眷注屬意所生京司百萬軍民頗倡後

議獨臣等不信以爲元日親奉

玉音謂

皇貴妃每勸冊立安得有此不根之言乃今國泰之

疏旣上而不報已票而不行則外間又生疑議以

爲

皇貴妃姑令國泰塞責。

皇上姑爲

皇貴妃解紛使疑在宮闈憂在

宗社何以杜百萬軍民之口副四海九州之心三也

臣等竊謂

祖宗一定之家法決不可不遵

皇上已出之綸音決不可不信

皇貴妃未白之心事決不可不明

皇上何不早發德音定以明春冊立

元子勅禮部具儀擇日立決大計盡釋羣疑使臣等

得關其忠無事哢哢強聒自外於心膂股肱之托

也臣等之言盡于今日臣等去就亦決于今日不

報已而

上特命中書傳諭公等詞意甚厲公知

上督過之甚不得已復言此舉一日不定則流言一

日不息

皇上心事一日不明如必欲暴白

上意解釋羣疑莫若先令出閣讀書再議冊立大禮

上覽奏報可已而仍令內侍傳示閣臣候

旨行公喜甚顧謂同官曰

皇明世宗憲皇帝御製  
上意無他第謂冊立大事不欲自臣下發之吾輩宜  
拱默以俟耳是秋洮河事起先是套虜火落赤鈔  
掠洮河熟番入據莽刺川就水艸數出掠漢人畜  
邊將或就索輒復得之而副將李魁者素有膽忽  
偵卒報虜至魁卽單騎赴之不介而馳虜持鞚自  
白魁輒拔刀斫之虜衆大譟射魁創甚還營宿昔  
而殞督撫檄大帥劉承嗣擊虜不勝虜遂入犯洮  
河副將李聯芳出戰歿廷議紛紛謂虜已敗盟順  
義寔助逆洮河且陷臨鞏危若累卵內外相率攘  
臂談邊必欲罷欵決戰公乃具奏先年俺荅欵貢

套虜吉能及松山西海諸部竝聽約束西鎮之不  
用兵二十年矣及吉能父子皆死其孫卜失兔幼  
弱而用事夷酋如切盡黃台吉者又相繼亡以故  
各部渙散或以轉堡要賞于延綏或以借路生事  
于甘肅或駐牧近邊驅之則曰吾不犯內地或刁  
搶番族問之則曰吾不擾漢人也欲絕之必以欵  
貢爲詞難於峻拒欲撫之彼寔需索無厭難以曲  
從此西鎮虜情之大畧也顧邊疆事勢軍旅機宜  
譬之隨病製方不能執一今虜旣狡黠無狀掠我  
屬番殺我裨將公背盟約其勢不得不戰然一二

皇明世宗憲皇帝 卷八十七 五  
小酋雖已猖獗而大酋全部尚在羈縻順義自西  
猶稱畏事卜酋回套猶聽調還初未嘗合謀犯順  
其勢又不得不撫然或陽順陰逆已去復來雖有  
鹵掠而或送還人畜雖有殺傷而或縛獻罪虜此  
其執又不得不酌於戰與撫之間顧今久安之後  
浚災之餘伍缺無可用之兵餉逋無可恃之糧當  
事者掘臨渴之井炊無米之粥未及整頓虜患遽  
已剝膚方欲經營人言更多掣肘必須寬其文法  
假以便宜然後可以盡心展布畢力安攘此今日  
計邊之大畧也臣請勅令兵部將督撫按梅友松  
條議作速議覆其彼處失事候巡按御史查覈另  
爲處分已而傳

旨令輔臣將梅友松奏報看詳且詰責各邊督撫引  
嘉靖間失事爲証公上言今日虜情與嘉靖不同  
先年虜犯各邊惟一意拒戰而已今虜方款貢就  
中部落有大小情態有順逆不可以一部梗命廢  
各部之羈縻不可以一邊騷擾致九邊之決裂如  
其背約則當聲討如其輸服不事窮追制馭長策  
總不出此今洮州失事明係火落赤邀請而宣大  
總督諭書及虜王頭目稟帖尚猶未至果否背盟

皇明世宗憲皇帝 卷之二十七  
三  
犯順未可知也。若一有疎失，即大更張，調撫臣斥  
司道，而又更易總督，使醜虜反得挾以爲重，必云  
我作一友，邊帥盡更，將益無所忌憚，而任事之臣  
皆垂首喪氣，莫能自振矣。

上深然之，然意猶苛責，督撫不已，而崔直指景榮復  
報虜騎克斤之甚，公乃立趣銓部，廷推戎政尚書  
鄭公洛經畧七邊，又選用梁公雲龍、萬公世德贊  
畫，又特薦尤帥繼先領兵以往經畧，奉公指從大  
同邊外，迤邐而行，兵聲大震，西虜聞之，咸惴惴思  
竄，于是移檄切責順義，趣之東歸，聲火酋之臯，勒

兵出勦，自是莽刺川絕無虜巢，而他酋真相據捏  
工川，與火酋爲表裏者，亦遂稍稍移帳遠徙矣。是  
時

上加意邊防，屢聞警報，意不能無動，乃于

御門視事畢，

召公及兩輔于暖閣中，從公商確機務，疊疊不休，且  
囑曰：卿等爲朕股肱，須替朕用心分理，公仰承廟  
謨，竭力擔任，語稍憤激，言官遂交章攻之，公去志  
益決，顧念西事雖稍寧戢，而善後尤宜熟圖，復具  
疏申明邊計甚詳。

皇明世宗憲皇帝 卷之二十七  
上令九卿會議以聞。已九卿陸光祖等回奏大畧謂  
邊釁委不可驟。欵市委不可遽罷。經畧委不可復  
更。兵餉委不可大減。元輔主持允合機宜。委不可  
不聽。

上報俞衆譁始定。紫荆關外廣昌靈丘等處。奸民有  
奏開礦興利者。而張守清尤桀。道路洶洶。謂旦夕  
且有變會。

上遣中涓禱五臺還。奏其事。一日  
上視朝畢。

召閣臣于皇極門議事。語次及之。公請勅該部行撫  
按查問禁戢。遂逮守清伏法。閉塞諸洞礦矣。不謂  
宛大玉田豐潤。奸民復言之。

上遣問閣臣。公與同官力陳其非便。一防礦徒。二費  
多得。不償失。三官吏繹騷。四示國匱形。令外夷得  
窺淺深。非算是疏。出王文肅筆。而命意刪削。悉公  
主之事。遂寢。自公去國後。武弁中璫朋比入奏。  
旨從中出。迄今爲患焉。辛卯春。內侍口傳

聖諭。邢銳擅作威福。結交官婢。與何成趙昇等通同  
鑽刺。都打發出去了。公乃奏云。臣等近聞彗星示  
異。天鑒孔昭。不勝驚駭。以爲

皇明世法錄 卷八十一  
聖明在上。豈宜有此。皆臣等奉職無狀所致。方共省愆。修職冀消天變。不意宮掖之中。乃有奸人蠱惑。以致上拂。

聖意。有干天和。今

皇威有赫。

宸斷不疑。奸邪迭除。宮禁清肅。而又奉

聖諭。切責言官。通行罰俸。仰惟

皇上之尊。如天如父。天方震怒。人未有不畏威者。父方譴責。子未有不引慝者。

皇上以羣奸不道。鬻貨嗜利。咎言官之不言。又以屢

借風聞訕上。要直斥言官之妄言。臣等既無表率之能。又無挽回之術。曠瘼特甚。愧懼尤深。然自古帝王晚臨百官。裁決庶政。卽事以觀理。則氣自平。緣情以用法。則心自服。近日邢銳等若事已暴著。惡已播聞。豈惟科道當言之。卽臣等亦有不能緘默者。惟是人在禁庭。耳目所不能及。事初發覺。言語所不能詳。其煩瑣觸忤之詞。誠屬可厭。而苟觀避禍之意。或亦可原。是在

皇上以理照之。不必怒也。且渠魁先已斥逐。黨與聞亦就擒。或命內監鞫審。情可立見。或下法司究聞。



皇明十法金 卷八十一  
罪可立決是在

皇上以法繩之不必怒也臣又聞

祖宗立法入皇城者不得持寸刃經斷罪者不得克  
宿衛向者內操人員持杖出入言者每有隱憂今  
內操久停而兵器尤藏謂當通行簡查申明禁制  
此又防之于漸者

上覽奏曰元輔真可謂忠愛憂慮之至矣先是邢璠  
陰爲巫蠱

上怒置之法而特勅詰科道君側有惡隱忍不言詞  
甚厲南中遂訛傳謂

上有意督過公公亦叠疏乞罷其畧曰臣有至難至  
苦者如遷謫官員孰非

宸斷明言之則謂歸過于上不言則疑臣修憾于中  
留中章奏何者不經

御覽不請則疑臣蒙蔽而請之又謂臣塞責邊務夷  
情本難遙度敗則詆臣失策而勝則疑臣欲借以  
敘功

名對敷陳本爲盛舉祕之則人多妄傳而播之又謂  
臣誇示恩寵衆之所擬不當則以爲私而當則以  
爲僞衆之所賢未用則以爲有意疎遠而旣用則

皇明世法錄 卷八十一  
以爲姑事虛糜。事至于不得不辨。辨之則以爲爭。勝而必欲摧之。不辨則以爲氣餒而愈益攻之。人至于非理相犯。不容則以爲狹隘。而羣然非之。容則以爲畏縮。而肆然侮之。人不論賢愚。事不論當否。與臣異者。卽以爲是。而欲引之升天。與臣同者。卽以爲非。而欲擠之入淵。似此世局。似此物情。將使予奪不聽于

朝廷。而聽于衆庶之口吻。去留不制于

君上。而制于小官之掌握。臣雖百身千喙。何能自解于謗議。自免于風波荆棘之中。而

皇上卽以箠履庇臣。以鼎鉉優臣。亦何能使臣不面慚而心悸也。臣竊爲國家計。不去則弼臣益賤。國體益輕。

皇上爲朝廷計。不聽臣去。則國論益淆。政本益褻。臣所謂不得不去。

皇上不容不聽臣去者。以此。

上不允。立趣公出。先是十八年冬。

上令內侍傳諭閣臣。冊立事如明年春夏科道等官不來。瀆擾便于明年冬傳

旨冊立。如再來瀆擾。直待十五歲舉行。公與同官約

皇明世法錄 卷八十一  
上已有明諭。臣下自當遵承。稍需一歲。大事定矣。每  
諸司接見。公皆以此告之。自春及秋。中外相安。不  
謂工部張有德以營辦請。疏中語借冊儲爲重  
上怒曰。小臣敢爾沽名耶。時新安與山陰在直。不及  
與公商確。乃曰。小臣以建儲請。吾輩噤無一言。可  
乎。倉卒具疏。首列公名以上。似不知有前諭者  
上覽疏益不悅。立批冊立事再遲三年。公臥榻間聞  
而驚起曰。閣中一諭。得之甚艱。小臣一言。撓之甚  
易。柰何。卽別具一揭。一則謂前此

聖意已定

諭旨已明。向來兢兢恪守。不敢違越。以俟來春舉行。  
小臣不敢激聒。一則勸

上如前宸斷親裁。勿因小臣妨悞大典。原揭詳具升  
儲錄中。時新安山陰在閣司藉。出視公草。兩公嘆  
曰。如公言當不致決裂。如今日吾輩悔無及矣。速  
以公揭上請。冀一回天

上覽揭喜。手賜批答。而竟不及建儲事。已而傳諭云  
小臣瀆擾。以致朕怒。卿等當調元贊化。寅亮天工。  
乃宰相之職。反隨小臣雷同疑貳。朕豈不益怒。自

皇明世法錄 卷八十一  
古宰相協和。然後可以保國。今閣務煩重。卿宜遵  
屢

旨。亟即入閣。公嘆曰。進退觸藩。何以仰答

上意。

上以新安前疏近激。督過彌甚。忽中

旨批令致仕去。公謂新安去而我留。人其謂我何。乃  
密請慰留新安。而極言新安如行。願同去國。以謝  
言者。

上難于慰留新安。而又諭公意不可挽。乃許公暫歸。  
公得請喜躍。具疏稱謝。并以三事上陳。一曰蚤立

儲宮以安

宗社。二曰力持

廟議以奠邊疆。三曰甄錄逸才以克任使。而復勸

上慎起居之度。平喜怒之情。節用愛人財。以不蓄為

富。親政典學。治以無逸為勤。娓娓乎數百言。公歸

三年。

皇長子出閣。至辛丑。

上命立儲。遣黃曹郎琮勅存公于家曰。卿贊襄有年。  
前屢有疏。揭勸朕冊立。朕志已定。待期舉行。但因  
激阻。故從延緩。知卿忠言至計。尚鬱于懷。今元子

皇明世宗憲皇帝 卷八十七  
已冊立爲皇太子。冠婚竝舉。念卿家居繫心良切。天語篤摯。似若報成事于公者。而公陳謝疏內。猶諄諄然冀。上返初心。修始政。勿令已渙之汗。反而復行。不調之絃。更而復鼓。

上悚然嘉納。官一孫中舍。嗣後以。皇孫覃慶比歲。以公大耋。咸膺存問。四月間。上遣李大行自榮賚。

勅行。迨七月十日。

勅使及門。公已不諱矣。屬續前數日。囑罔卿孝廉曰。

吾病甚恐不能成禮。勅故坐名。義當跽領銀幣。君貺不可委之艸莽也。仍強起手。勒謝疏。疏中勸上勤朝講。發章奏。罷征斂。慎封疆。及時起廢。絕不及家事。親朋問疾。詢公何爲。公拱手答曰。吾惟來乎其。所當來。止乎其所當止而已。公卒。撫按以聞。上震悼不已。詔所司議所以優隆元臣卹典。禮曹請壇祭九。

詔加四銓。曹請特進一品制。而以勲爵例。特加柎。一閣臣請謚曰文定。

上報兪稽之謚法。道德博聞曰文。安民大慮曰定。夫

皇明世法錄 卷八十一  
道德博聞非聞見博雅之謂。謂所行不離于道德也。安民大慮。謂思樹惠慈以慮安民也。公實咸之。無媿斯名。與昔諸閣臣謚文定者。曰勤學好問。純行不爽者。殊旨。蓋異數云。嗟乎子章事公四十餘年。聞之公曰。天下事平心而揣。則脈絡明。平衡而治。則差數均。平氣而調。則節奏和。故公在事。一切以持平行之。不藏宿。不恃懣。過即釋然。又曰。吾受上恩寵。無以報。惟是不居功。不弄權。不市恩。不徼名。以誠心直道處已待人。可幸無罪。公書生時持志厲精。嘗罵倦鬼曰。青緗浩續。玉笥陳編。誦不能句。

讀未終篇。惟爾一至。令人茫然。汪洋奧義。佶偃微言。凝思注想。欲揆其玄。自爾一至。忽若澶漫。吾將抽戈淬刃。懸桃薦棘。出子于莽泱之埜。渡子于逍遙之域。斯語也。斯志也。存此則爲孔之不厭不倦。爲孟之樂善不倦。出則爲尹之無時豫怠。爲旦之所其無逸。公之相業。寔基于此。

天子之揭于屏。豈漫然哉。不知公者。謂將順以權還主上。委蛇以巽就功名。予嘗質諸大人長者。則殊不然。雲間陸文定公嘗曰。申公正已以御物。侃直以持國。是苦心調劑於國體物情之間。而進退從容。

皇明世法錄 卷八十七  
沉幾不露真所謂命世大人矣太倉王文肅公謂  
人曰叅合人情權衡國論聰明才辨者猶能之吾  
獨服公于中

旨迫側衆咻紛擾之時不難不竦翁如廓如信口信  
筆之語有更數千言而不能盡數百歲而不易者  
故姜公寶嘗謂我

朝元老所稱雅量宏材不茹不吐惟申公一人耳  
予友鄒爾瞻曰吾師掄政以來手所拔冤抑者若  
而人所調劑者若而事惟和惟平惟寬惟厚始未  
嘗不怒怒而卒忘始未嘗不訕訕而旋信蓋師心

慈性善機若轉圜而事體練達又遜而出之自後  
來歛手讓後之人遂有不得自繇者又曰吾師有  
百善而外人不知者有一筆而海宇回春者此惟  
天地鬼神知之庶幾知公之深矣人亦有言天下  
有一人知我亦可以歿又云中國之民明乎禮義  
而陋于知人心三公于公觀其裏矣不徒表之而  
已而况

主上之綸詔出諸代言者不論

召對有股肱腹心之托

手勅有何所用情之褒親洒宸翰不一而足農采八

皇明世法錄 卷八十七  
三  
穗漢札十行章以爲三代以下魚水始終之際未  
有若斯之隆也公亦可以瞑矣公所著有綸扉奏  
艸四卷綸扉筭艸四卷綸扉簡牘十卷賜閒堂集  
四十卷元配吳氏累封一品夫人子三長兆虬早  
卒仲即冏卿用懋季即孝廉用嘉伊陟魯禽爲望  
尚賒諸孫曾繩繩具載家乘不具論  
贊曰人亦有言孟圓水圓孟方水方此非獨人主  
也臣之體韻亦猶器之方圓方圓不可錯用體韻  
豈可易處各順其方以弘其業則歲寒之功必有  
成矣今

主上聖明四十年如一日也癸未甲申之際頻頻  
召見閣臣時聞采芹觀旂之風今味和之饗不加宰  
輔矣墨者守門官者守內守圃守積各戀棧豆今  
礦豎四出飛而食人矣朝議即紛紜然俊顧牛李  
等字不敢訟言今訟言某黨某黨矣吉水安邑諸  
賢間擯于外猶得引之天垣夫曹實鼎實俎今反  
閭巷修魚釣者誰賜環矣夫公何持何修而得之  
明主如旋羽還風令乃投石耶辛丑壬寅之間人知  
青宮貳極

宗社萬年大計定矣而惡知



毓德之名見造膝之微言祕閣之德音為之根也人  
知

福邸之國宗藩維城固矣而惡知公  
召對

元子龍姿鳳目


皇三子玉筍蘭芽二語為之別也夫功有造端有因  
先甲一日易後甲一日難楊子言之矣密勿之功

人不及知温室之樹公又不言乃言官更有求多  
于公者言官諤諤相臣休休乃所以交相成也予

考

本朝以鼎元入相者十二元相者三惟謝文正與  
公年相若李文定之年又不如公宰相享年八十  
者十二元相令終者三而三文貞一以徵聘召一  
以僉臬入其賜第不如公

本朝一科鼎甲無三入相者三入相惟嘉靖壬戌  
而王文肅余文敏之年與胤嗣之繁碩又不如公  
內閣謚文定者五楊石首蔣全州李興化于東阿  
微獨年不如公其謚同其所以謚又不如公若公  
所謂天與全昌非耶公壽躋八十而子章以天定  
之說祝又豈非文定之識耶公一品三考



皇明世法金 卷八十一  
上優禮極崇而公辭疏有云以至寵為至危以至榮  
為至苦又云皇。上。少。此。一。項。無。虧。高。厚。之。恩。微。臣。多。此。一。官。益。增。  
盈。滿。之。懼。詞。極。懇。至。上始聽之未幾聽公歸公歸而署其門曰有賦歸來  
四時成功者退無心譽毀三代直道而行嗟夫易  
云謙謙詩詠几几公實兼之矣

太保王文肅公傳

公諱錫爵字元馭別號荆石太倉州人年十二入  
州學督學馮公天馭一見奇之戊午鄉試南畿魁  
其經壬戌為禮部舉首入對大廷賜進士及第  
第二人授編脩乙丑滿三歲考封二親歸覲丁卯  
還朝充經筵講官

莊皇帝傳諭有講書明爽切直之褒撰文官  
誥勅往多贊謝者悉卻不內己巳轉南國子司業明年  
轉北尋陞右春坊右中允辛未充會試同考官六月  
月陞右諭德掌南翰林院事壬申充

穆宗實錄副總裁癸酉領右春坊事主順天鄉試甲戌復充會試同考官七月

穆宗實錄成陞侍講學士加四品服八月陞國子祭酒條上監規欲行國初積分法重胃子之選申令公侯伯并應襲詣監習禮一時模範嚴重中外改觀丙子陞詹事府少詹事攝府事充

世廟實錄副總裁書成進詹事府詹事兼侍讀學士丁丑陞禮部右侍郎是歲江陵父歿謀奪情視事編修趙用賢簡討吳中行疏劾之公憂禍叵測約秩宗而下數十人詣江陵求解拒不見公徑造喪

次切責之江陵不知所對泣且拜曰上強留我而諸子力逐我我何以處第有自到而已竟入不顧卒取中旨廷咎此兩人公持之大痛且首倡贖贈皆人所縮胸不敢前者既而江陵子假歸奉旨三月還朝佞者輒疏請卽召使吏邀公署名公叱曰此何事而以流我爲竟投筆起公旣忤江陵請以省覲還客曰相君不知父而君以省父言得無形若短乎公曰吾知吾父而已遑卹其他未幾江陵敗人爭搏擊爲名高公復持平其間寄同麓余公書曰江陵相業僕始終不甚非之獨恨其于

皇明世宗 卷八十七  
知人。一著。至。死。不。悟。耳。此。事。諸。君。不。以。時。調。停。如。國。體。何。後。張。氏。終。得。解。免。公。之。力。也。壬。午。丁。外。艱。以。三。品。未。滿。考。得。全。葬。異。數。也。公。除。廷。推。內。閣。上。以。禮。部。尚。書。召。入。辦。事。屢。疏。力。辭。特。遣。行。人。敦。趣。就。道。乙。酉。赴。闕。中。途。聞。上。止。內。操。召。謫。諫。及。大。旱。步。禱。喜。動。顏。色。比。見。朝。卽。有。禁。諂。諛。抑。奔。競。戒。虛。浮。節。侈。靡。之。疏。又。疏。闢。橫。議。止。新。工。所。裁。省。百。萬。計。公。旣。在。政。地。壹。意。佐。上。急。民。艱。進。貞。良。屏。貪。墨。丰。采。踔。絕。而。嚮。之。以。苞。苴。行。者。逆。消。於。千。里。外。矣。是。歲。扈。從。上。閱。定。壽。宮。再。辭。恩。廕。

適有言官假堪輿之說以撼大臣者。公抗疏力辯。丙戌充會試主考官。丁亥重脩大明會典成。進階一品。再疏辭。上允辭。太子太保。改太子少傅。餘令勉受。公入都。首以朝廷裁恩澤。士大夫重廉恥爲第一義。故凡陵工河工邊工。及玉牒加恩。屢懇賜免者。以此。戊子江南歲大祲。力請破格蠲之。且誦有司坍荒之議。勿使熟區代償。一方貧民得以不流散。時國本未定。巨璫張鯨。潛蓄異意。且挾東廠勢。恣行威福。中外凜凜。公與同官申公。決策除之。而言者亦交章論劾。御史馬象乾疏論。

且語侵輔臣。上怒下詔獄。藉公言以安。而給事中李沂繼疏復觸怒。予廷杖。公尹之力。而鯨亦以賊敗。是年公二品滿。加太子太保。廕一子入監。照新銜給誥命。子衡亦發解。北畿禮部郎高桂疏中式可疑者八人。衡與焉。公疏請覆試。語稍激。刑部郎饒伸併疏攻公。上怒。置之理。公揭請免逮。且見喬御史璧星疏。以古誼規。至不難引咎謝乃已。庚寅元日。召四輔臣入。上手擁

皇長子令就視。輔臣趨拜。已命。皇三子繼出。輔臣擬拜如前。上方止之曰。不可。旋出。雜評事于仁

疏欲寘之法。而獨目屬公。曰。卿意云何。公進曰。于仁誠有罪。第當以重法。則于仁之罪。人不知。以爲訕上。而以爲納忠。

皇上之法。人不知。爲治狂。而以爲拒諫。上意頓釋。因以升儲視朝請。上首肯之。明日忽奉御札。冊立豫教分爲二事。一可一否。甚而疑羣臣之請爲離間。公疏云。凡稱離間者。本貴而間使賤之。本親而間使疏之。

皇上手擁。皇長子明。示臣等以長幼之序。臣等因而早勸。冊立以成。

皇○上○之○所○欲○貴○因○而○進○愛○勞○之○說○豫○教○之○方○以○成○  
皇○上○之○所○欲○親○何○名○爲○間○也○具○道○冊○立○與○豫○教○一○無○  
可○緩○者○既○而○連○接○御○札○冊○立○元○子○倫○序○以○定○朕○  
豈○有○溺○愛○偏○執○之○意○待○過○十○歲○大○典○一○並○舉○行○公○  
因○謂○同○官○曰○

聖○意○無○他○止○以○冊○立○大○事○不○宜○自○臣○下○發○之○吾○輩○但○  
當○拱○默○以○俟○耳○是○秋○西○虜○內○犯○言○者○多○欲○罷○款○決○  
戰○公○嘆○曰○果○爾○則○先○朝○熙○河○之○禍○作○矣○亟○疏○言○  
虜○至○當○戒○邊○吏○嚴○斥○堠○亡○何○西○師○戒○嚴○邊○亦○無○事○  
會○礦○議○起○上○遣○問○閣○臣○公○力○陳○其○非○便○一○防○礦○

徒○二○費○多○得○不○償○失○三○官○隸○繹○騷○四○示○國○匱○形○令○  
四○疆○得○窺○淺○深○非○算○事○得○中○輟○後○公○去○而○柄○地○有○  
陰○導○之○者○開○採○之○役○迄○不○可○止○辛○卯○聞○母○病○懇○請○  
歸○省○再○疏○得○允○濱○行○疏○祈○上○止○酒○遠○濕○以○調○  
聖○躬○抑○火○戒○怒○以○寬○左○右○舉○朝○講○召○對○之○儀○躬○祀○  
天○享○廟○之○禮○除○額○進○加○進○之○例○錄○建○言○廢○棄○之○臣○  
皆○一○時○至○計○既○歸○上○屢○旨○趣○召○七○辭○不○允○癸○巳○  
入○朝○上○嘉○悅○賜○銀○百○兩○紵○絲○四○表○裏○麒麟○服○  
一○襲○居○數○日○密○以○建○儲○請○上○諭○援○  
祖○訓○立○嫡○不○立○庶○欲○暫○將○三○子○一○併○封○王○且○待○數○年○

中宮無子。乃行冊禮。命公作一諭旨。公隨奏。上向未有待嫡意。自今始發。使臣等何以奉行。公復具疏。請收回並封。聖諭早定大典。息衆囂。次日奉諭。昨者元輔反覆。勸朕早行冊立。此朕去歲之命。復何所疑。因恐背違。祖訓。日後事體難處。故暫將三子並封。今外臣爭論。不知何意。已光祿寺丞朱維京。刑科給事中王如堅。各以建言謫戍。公業爲救解。因連進二疏。一請急。勅九卿科道衙門會議。一請召對面陳。

上未允。不得已。以三誤引咎。旋得御札。卿若引咎。置朕何地。旣爾。俱不必封。少俟二三年行之。公復據初詔。請定大典未得旨。又請先行豫教安人心。先後四揭。皆不報。公見國是人心。日就殺亂。乃疏陳泰交要務。期以定國論。一政體。而大旨歸之主與臣交。大臣與小臣交。當事者與言事者交。反覆數千言。悉中窾會。而請召對。請御門請發章奏。請灑宸翰。免口傳。及擬定進講經書。資啓沃。皆忠謨之大者。八月彗星入紫微垣。公疏言紫微垣乃王者之宮。太子之象。惟早行冊立。可

襪此變至十一月十九日。上獨召公于暖閣。公卽申前請。上曰。稍需之。公曰。皇長子年十三歲矣。復何需。民間子弟無十三歲不讀書者。况國元子乎。上乃曰。朕子明歲當蓄髮期矣。卿奏洞悉苦心。公出。連上六疏。上略不爲迂。閏十一月初一日始奉。札冊立候。旨行。且於明春行豫教出閣禮。朕又思三子年相等。今竝行出閣禮。或先後行。卿可詳酌之。公請。皇三子少待次年。以示等差。上報可。因請侍班講讀。遴詞林諸臣。并擬閣臣侍從。臣以上悉用東宮儀。蒙。上俞允。天

下始曉然知元良之位定矣。而中人開買出閣之費。至踰三十萬。公具疏。曲請得少減。甲午河南大饑。人相食。公極陳公私交困。賑濟無所出。請與同官盡辭薪俸。佐貧民。而亦望

皇上暨。兩宮。各量發內帑。什一以助。隨奉。諭。皇貴妃進助賑銀五千兩。中宮各出所積貲。賴以活者不可勝數。上旣英明獨斷。觸迂者不復賜環。公進泰交用人兩疏。雖蒙溫荅。未實舉行。自念國本既定。可了出山之局。因密薦舊輔王公家屏。又兩疏請增閣臣。會病大作。上爲之發金建醮。以



祈其安。未有起色。辭疏八上始允。特加吏部尚書兼建極殿大學士。賜路費二百兩。彩段六表。裹行人護送。馳驛歸。公臨辭。勸上戒盛怒。親廟享。勤視朝。重詔令起廢臣。核議論。發章奏。惜老成。慎譴罰。節財用。飭邊備。稽吏治。抵家數月。母以天年終。上聞遣官賜札。賜賻。賜祭。又遣官視葬。加祭四壇。是冬。皇上以冊立禮成。上聖母徽號。推恩舊臣。遣官賚勅存問。曰。冊立朕志已定。但因激沮。故從延緩。知卿忠言至計。尚鬱于懷。今元子已冊立。爲

皇太子冠婚竝舉。念卿家居。係心良切。特諭知之。

聖諭拳拳。若以報成事于公者。乙巳

聖母壽開六袞。

皇孫誕生。加上

徽號。推

恩再

被存問。公陳謝附以規諫。丁未

上思公不置。復

召輔政。加少保兼太子太保。遣行人敦趣入朝。而

公病不復能應矣。及卒。家以遺表聞。上震悼。久

之。爲輟視朝。下諭部。是惟我弼亮之臣。亟遣使治

葬。及祭。祭爲壇。視一品例而加。凡十有三。贈官太

保。廕其孫尚寶司司丞。于是太常請謚。厥謚曰文

肅。

太子太保吳文定公傳 公名寬字原博長洲人成化八年進士第一人時年三十八公為諸生時有文行即負重望徐武功嘗稱吳生館閣器歲貢入太學張汝弼尤奇公歷官翰林坊詹侍康陵東宮宮中侍豎不欲太子近儒臣數移事間講讀公率宮僚上疏曰仰惟東宮講學寒暑風雨則止朔望令節則止一歲不過數月一月不過數日一日不過數刻况又間有推移時或罷歇古人八歲出就外傅欲離近習親正人也借曰習讀於內終不若就傅於外

太子太保吳文定公傳

公名寬字原博長洲人成化八年進士第一人時年三十八公為諸生時有文行即負重望徐武功嘗稱吳生館閣器歲貢入太學張汝弼尤奇公歷官翰林坊詹侍康陵東宮宮中侍豎不欲太子近儒臣數移事間講讀公率宮僚上疏曰仰惟東宮講學寒暑風雨則止朔望令節則止一歲不過數月一月不過數日一日不過數刻况又間有推移時或罷歇古人八歲出就外傅欲離近習親正人也借曰習讀於內終不若就傅於外



上嘉納。公進講閒雅詳明。意存規諷。至理亂邪正安危之際。猶反復朗誦。冀開悟。弘治十七年。

孝肅太后崩。議祔葬廟禮。先是成化四年。又開。孝莊睿后崩。中外籍籍。言周太后萬歲後。葬裕陵。祭睿廟。禮皆如適。至是謚稱睿皇后。與孝莊同。輔臣覺其誤。又未敢顯言。詔禮官議。議又不能決。賴上仁聖。張主綱常。再三召輔臣密議。便殿悲愴感悟。必欲如禮。又下議。廷臣公以掌詹事與議。衆促公言。公出行從容。揖衆議。臣曰。魯頌姜嫄闕宮春秋。考仲子之宮。皆別廟。漢唐來皆然。至宋始有竝祔。

者。其禮已謬。然皆諸帝繼室。作配天子。非後世子孫嗣承帝位。尊崇所生者。惟宋李宸妃歿。仁宗傷痛。始追尊。祔祭非禮。不足爲法。衆議臣皆是公言。定議上。

上喜曰。大義深恩。竝行不悖。改稱

孝肅太皇太后。祀之奉慈殿。奉慈殿者在奉先殿西。上初建奉祀母

孝穆太后。令稍展其制。中室奉

孝肅。左奉 孝穆。嘉靖初右奉

孝安邵太后。公忠信宏厚。廉靖方嚴。好古力學。文翰

淳美。遇權勢榮利。退避不暇。及位尚書掌制誥。衆屬望柄用。忌公名高者輒沮。公益冲適無少望。公兩爲吏部侍郎。皆克。實錄會典通鑑纂要副總裁。領誥勅。內閣以禮部尚書掌詹事府。卒。贈太子太保。謚文定。王文恪公稱公文不事追琢。而體裁具存。外若簡淡。而意味雋永。明興文士獨推西楊有典則。公無愧焉。

皇明世法錄卷八十七 終

皇明世法錄卷之八十八

史官 陳仁錫 評纂

經濟名臣

太保王忠肅公傳

公名翱字九臯。鹽山人。永樂十三年進士。先是北人舉進士者輒在後。是年初會試貢士北京。公兩試皆高等。

上喜召見。賜食。改翰林庶吉士。授大理左寺正。誥誤遷行人。宣德元年。西楊薦陞行在山東道御史。十年陞僉都御史。正統元年。鎮守江西。未幾巡浙江。

拊善摧奸吏民畏愛四年松番用兵不效公出贊  
理六年鎮陝西七年東虜殺掠吏民師出輒北遼  
東西震動且撼漁陽公提督軍務留撫遼東十二  
年出塞破虜有功陞右副都御史十四年陞左是  
年秋虜分寇廣寧清野困之虜退去景泰三年召  
還臺尋加太子太保是年建州酋李滿住上番書  
乞留公遼東不許會南蠻寇兩廣兩廣副總兵董  
興武毅觀望不肯戰巡撫侍郎揭稽李棠不相統  
賊益熾于少保請用安遠侯柳溥總督兩廣軍務  
如溥未可出臣謙及戶部尚書金濂翱乞用一人

上用公明年蠻平召還臺是年夏吏部何尚書下獄  
致仕公以太子太保兼吏部尚書初公入四川專  
布恩信招懷降附出賜金市牛酒慰犒番酋商巴  
等十八寨來歸不煩兵力松番遂定遼東法令久  
弛不復知有朝廷賞罰以故虜至不敢戰戰亦不  
力公至諸將庭叅責其翫寇喪師失律當斬軍中  
股慄頭搶地言自今效死用命得釋公即出巡邊  
起山海抵開原繕濬墉溝五里為堡十里為屯烽  
燧斥堠千里相望虜見嚙指走公益簡練卒伍賑  
賙窮乏偶配鰥寡人情大悅邊塞孤遠軍興輒匱



緣俗立法細大收贖十數年間得金穀馬牛羊數十萬邊用充饒器械明利士皆飽煖願得一戰報王公逾年督諸軍出塞大破虜斬首千級比至嶺南亦用收贖法時公威望已著諸蠻聞公來大懼公畧兵威推誠撫諭盜賊止息酋長信向公嘗言蠻戎撫捕各有機宜以故四川兩廣得免繹騷之患公初入吏部佐王文端公天順初落太子太保文端公致仕專任公公嚴考察公銓註抑奔競杜請寄一時任使並稱得人南陽為石亨逐去裕陵召見公問賢何如人公力言賢才得復留內閣

益見倚任南陽在內閣亦左右公

上進退大臣時時召公面可否稱公先生屢乞休不允公以故得行其志天順五年加太子少保

上嘗諭南陽曰今六部尚書庶皆得人先朝留意大但慮吏部王

翺臣每如此老爾時公年七十八南陽對曰臣聞祿命之說

翺壽最高尚有十年

上喜曰如此無慮又曰如戶部年富不易得南陽對曰若繼翺吏部非富不可

上曰然

茂陵卽位免公兩雪朝成化元年復太子太保三年

皇明世法錄 卷八十八  
致仕卒年八十四贈太保謚忠肅公善知人文武  
大吏施聚焦禮范信耿九疇軒輓年富李秉程信  
皆公薦用公本北人嘗因召對

裕陵曰此人質直雄偉文章藻飾似不及南人顧緩  
急得力以故公推轂北人爲多至姚夔又反公往  
往右南人清譽稍不及公功名損於禮部時公端  
上方強直清白儉約立心制行循守禮法惕厲憂勤  
仰思待旦居第三十餘年不改於舊

上特命有司起第縣西公餘退宿朝房唯朔望時令  
歸謁先時曹賊亦知重公不忍加害南陽嘗曰臯  
陶言九德王公有其五亂而敬擾而毅簡而廉剛  
而塞強而義彭惠安公贊公淡然無欲不識姜姬  
而况苞苴莫我敢施古三不惑於公見之人皆以  
爲確論子守世官錦衣副千戶

公名鑑字有戒吳人永樂十年進士為御史陞按察副使擢副都御史鎮陝西得便宜行事公寬洪清慎悉民疾苦不作聲色專務安輯凡練兵屯田水利鹽法事有經畫薦按察使王文副使金濂入內臺正統元年與于公上疏請定輸粟贖罪法在陝十餘年教興政理每入朝民必遮送不忍舍比還歡迎父老或走數程久旱公至即雨雨久公至必霽人益愛戴公召入臺為右都御史尋陞左都御史太子太保景泰四年秋致仕卒謚僖敏陝

太子太保陳僖敏公傳

公名鑑字有戒吳人永樂十年進士為御史陞按察副使擢副都御史鎮陝西得便宜行事公寬洪清慎悉民疾苦不作聲色專務安輯凡練兵屯田水利鹽法事有經畫薦按察使王文副使金濂入內臺正統元年與于公上疏請定輸粟贖罪法在陝十餘年教興政理每入朝民必遮送不忍舍比還歡迎父老或走數程久旱公至即雨雨久公至必霽人益愛戴公召入臺為右都御史尋陞左都御史太子太保景泰四年秋致仕卒謚僖敏陝



人尸祝焉

*[Faded vertical text columns, likely bleed-through or ghosting from the reverse side of the page]*

尚書周文襄公傳

公名忱字恂如吉水人永樂二年進士時簡進士二十八人進學文淵閣公乞預

上喜公有志改翰林庶吉士十年授刑部主事陞員外郎二十二年為越府右長史宣德五年東南財賦煩敝廷薦陞工部右侍郎巡撫江南直隸滿九年轉左正統六年兼巡撫嘉湖二府十四年八月陞戶部尚書改工部仍巡撫景泰元年引老不允明年請老召還京致仕又明年卒凡在江南二十二年先是胡縉巡撫江南用法嚴刻公濟之以寬

凡告訐輒不省。或面詰公不及。胡卿使下情不能上達。公笑應曰。胡卿救有祛除民害語。我救但云撫安軍民。朝廷委任自異耳。當是時。蘇州府逋稅七百九十萬石。常松亦然。公閱牒大異。詢父老。皆伏地哭言。蘇吳豪富有力者。不出耗并賦之。貧民貧民不能支。盡流徙。公創為平米官田。民田并加耗。蘇稅額二百九十餘萬石。公與知府况鍾曲算。疏減八十餘萬。舊例不得團局收糧。公令縣立便民倉水次。每鄉圖里。推富有力一人。名糧長。收鄉圖里人夏秋兩稅。加耗不得過十一。又於糧長中

差力產厚薄為押運。視遠近勞逸為上下。酌量支撥。京通正米一石支三。臨清淮安南京等倉。以次定支。為舟檣剝轉諸費。填出銷入。支撥羨餘。各存積縣倉。號餘米。米有餘減耗。次年十六徵。又次年十五。更有羨縣為倉名。預備備水旱不時賑貸。及農乏食。綱運風漂盜奪者。公許轉假。至秋抵斗還官。其修圩築岸開河濬湖。人支口糧。以為農事故。不責償。時插蒔農借貸。必驗中下事力。及田多寡。給之。秋與糧并賦。凶歲再賑。秋熟不償者。來歲不復給。時裏河漕軍與民半。軍船出官廠。民率顧舟。

又經年往復失農業。公與平江伯議奏軍民舟至淮安。或瓜州水次交兌江北衛所漕者。出通關還繳淮安一石。兌加五斗。瓜洲五升。如裏河舟未渡江。南京諸衛抵倉兌者。加與過江米。及擱墊蘆蓆與折米。民間馬草歲運兩京。勞費不貲。公請通州草場立官庫。每束折銀三分。千束銀止三十兩。南京輕齎赴買上北京。文武職官俸糧。皆支南京米。賤時銀一兩得米七八石。公請江南重額官田。極貧下戶。兩歲准折納金花銀。銀一兩准米四石。解京折納京官俸。蘇有官布疋。准糧一石。舊例疋重

三斤。比解又以紗粗十退八九。公言農閒布疋斤重紗粗。價顧賤。紗細布輕。價益高。不拘斤重。務在長濶如式耳。傳中馬衣被諸應客者。舊皆領於馬頭。馬頭豪者橫科弱者粥產。公令田畝收米升九合。與糧俱征。驗馬上中下價直給米。正統初淮揚災。鹽課虧。公巡視奏令蘇州等府撥剩餘米。縣撥一二萬石運貯揚州鹽場。准爲縣明年田租。聽竈戶上私鹽給米。時米貴鹽賤。官得積鹽。民得食米。公私大濟。綵繪宮殿計用牛膠萬餘斤。遣官敕公上供甚急。會公議事赴京。遇諸塗。敕使速公且還治。

應變之才

公不應至京。庫貯牛皮歲久朽腐。請出煎膠。歸出餘米市皮還庫。十四年邊事急。工部索兵仗數百萬計。公出餘米造上明盔者須水磨。非遲歲月不可。公令且沃錫。旬日畢辦。正統六年至海鹽築捍海塘。令郡七縣合役萬夫。自七年正月至十一年費萬計。皆出公度支。海竟不能爲患。每遇凶荒。輒便宜從事。補以餘米。賦外更無科率。凡百

上供。及廨舍學較賢祠古墓橋梁道路溝渠修葺。一切取餘米。歲不下萬計。施及僧道。問報饋遺。往往各得其歡心。江南之人。愛戴如父母。沒而尸祝。至今思周尚書也。公宇量恢弘。才識通敏。蒞事精勤。臨民和易。有善謀者。雖卑官賤吏。破去崖岸。開心訪納。性尤機警。籌畫諸郡錢穀鉅萬。一屈指無遺算。嘗爲冊曆記日所行事。及陰晴風雨。有告報輒按據詰訊。人莫能欺。每出會計。視地豐凶。事緩急爲弛張。調劑變通。民無逋負。官有餘積。前後理財者。皆不能及。卒年七十三。謚文襄。

尚書年恭定公傳  
公名富字大有懷遠人本姓嚴籍訛為年永樂中  
卿貢為山東德平訓導  
召為吏科給事中陞陝西叅政巡歷郡邑察民隱革  
奸弊興學勸農尤嫉贓吏正統九年陞河南布政  
使饑民流聚十數萬剽掠居民撫輯散解力行節  
儉却侈靡風俗為之一變也先數侵邊陞左副都  
御史提督大同軍務舉廢政革科徵抑豪橫廣屯  
田民始有更生之望軍功爵賞必覈無濫襄垣王  
遜燁誣公公請老戶部言公廉威為奸豪所忌不

尚書年恭定公傳

公名富字大有懷遠人本姓嚴籍訛為年永樂中  
卿貢為山東德平訓導

召為吏科給事中陞陝西叅政巡歷郡邑察民隱革  
奸弊興學勸農尤嫉贓吏正統九年陞河南布政  
使饑民流聚十數萬剽掠居民撫輯散解力行節  
儉却侈靡風俗為之一變也先數侵邊陞左副都  
御史提督大同軍務舉廢政革科徵抑豪橫廣屯  
田民始有更生之望軍功爵賞必覈無濫襄垣王  
遜燁誣公公請老戶部言公廉威為奸豪所忌不

可許。

景帝爲敕王守法度。勿得汗風憲。大臣卒吳淮誣公不法。謂侵郭總兵。坐總兵上。于謙議曰。穰苴布衣。監莊賈軍。以軍法誅賈。卒破秦晉。齊以一穰苴故。稱強列國。裴度御史中丞。督淮西諸大帥平蔡。我朝近日左都御史王翱。右僉都御史鄒來學。皆坐總兵上。以軍令出翱等。淮妄言沮軍法。宜究王者。事遂寢。公又嘗按山西叅政林厚。坐厚法。厚亦誣公。臺置獄訊。

景帝曰。厚怨富。富執法公廉。誣富得自便。朕以邊事

付富。終不以一人言辱富。厚竟削籍。公又按分守內臣韋力轉貪。虛方轉誣公。巡按御史爲雪公。誣狀事得已。天順初。石彪倚亨中公危法。逮詔獄。上素知公。南陽又力爲解。得致仕。未幾。南陽薦賈詮。爲戶部尚書。召詮至。又薦公。左右不悅公者。輒巧譖沮公。

上諭南陽。戶部非年富不可。對曰。人多不喜富。

上曰。富執法宜。司國計。竟召公爲戶部尚書。時王忠肅公年七十八。

上又諭南陽曰。繼翱吏部。非富不可。公經理財賦。蒞

皇明世宗金 卷之二  
以勤廉。不動聲色。出納節適。八年春。陝西用兵。督餉非人。屢乏軍興。公薦楊璿。余子俊。吏部疏論公。侵官。公上言。薦賢爲國。同心共濟。若事輒任已。動率尤人。恐乖推讓之風。自失寅恭之義。且乞致仕。不許。公剛正朴忠。簡言寡慾。遇事直前。不顧利害。氣節才識。世不易得。卒年七十。謚恭定。

太傅于忠肅公傳

公名謙。字廷益。其先河南人。七世祖某。仕於金。爲汾州節度使。子孫世世爲大官。至高祖夔。任元。爲河南江北行中書省叅知政事。追封河南郡公。曾大父九思。仕至湖廣宣慰使都元帥。最後遷杭州路總管。卒老於杭。遂爲杭人。大父文始。仕明。爲兵部主事。改工部。父彥昭。有隱君子行。受謙封。兵部右侍郎。再與其曾大父。大父俱贈少保。兵部尚書。謙七歲。僧蘭古春善相。見而大奇之。曰。所相人無若此兒者。異日救時宰相也。十六補邑諸生。時按

皇明世法錄 卷之八  
察僉事行學督諸生過峻爭噪而犄之方誑攘間  
僉事墮泮宮池諸生皆驚走出謙獨前掖之起僉  
事瞽乃欲以罪歸謙謙徐對曰噪公者走不噪公  
者畱此易曉也今不罪噪公者猶可而因以罪援  
公者其謂何僉事乃止而謙由此顯名二十三舉  
進士拜江西道監察御史謙風骨秀峻音吐鴻鬯  
每奏對

宣廟前

上必爲傾聽而是時顧端肅公佐長臺事其御寮屬  
甚嚴而獨才謙以爲下弗如也按江西辨一誣獄

出數百人之冤死者藩國挾和買爲市廛害謙復  
按懲之歸復偕錦衣官校按捕官河之匿私鹺者  
所按覈於權倖不小避扈蹕下樂安州漢王高煦  
旣面縛降

上卒命謙數其罪謙肆口而成其言皆正大剴切高  
煦俯首戰慄稱萬死而已

上大悅還師第賞鈔幣與大臣同久之議增補各部  
右侍郎治諸鎮糧稅兼練卒撫民

上手書謙姓名授吏部遂超拜兵部右侍郎兼治河  
南山西時年僅三十三謙感



皇明世宗 卷八十八  
上知遇。夙夜拊循。郡邑延訪。父老以便。益病苦。歲饒則多出官。蠲糴民粟。歸庾。儉則吐庾粟。減直以糶。公私得相贍。給於下。尤利齊秦。民饑徙入河南者。謙令邑各給田。與之牛種。而以次責其稅。毋令與土著淆。河勢將潰。謙厚築隄。障之多植榆柳。其上五里有亭。亭有長暨卒。責以修補。乃至所過。經繇官道。俱責種植。間鑿井以蔭行者。而飲渴者。其在山西。則以大同在塞外。巡按御史不能至。往往翫狎。請別設御史。併上谷治之。而又盡奪大同鎮將之役卒墾私田者。爲官屯。邊用充溢。謙於吏術民

事。亡所不精。剗而尤以足兵食。明舉措。振綱紀。爲急。當是時。居政本者。三楊皆重謙。所奏請。朝上無不夕報可。以是得行其志。滿九歲。遷左侍郎。食二品俸。謙旣在官久。威惠流聞。嘗輕騎自河內。歷太行。而盜有窺者。謙勵聲叱之。皆大驚散走。曰不知爲我公也。當入

朝議事。人謂卽不橐金往。寧無一二土物充交際耶。謙笑而兩舉其袖。曰吾惟有清風而已。因賦詩見志。入朝。舉叅政。孫原貞王來自代。是時三楊前後卒。而中貴人王振持秉勢張甚。以謙無私謁。嫌之。

勒給事中廷劾謙以久不遷怨望擅舉人自代亡  
 人臣禮下法司論斬繫三月暑讞上振怒適解乃  
 謂大臣吾嘗見一故御史名若干謙者恣甚欲治  
 之今乃非此于謙耶赦之以為大理寺左少卿而  
 所薦孫原貞王來俱顯名景泰中至尚書與謙畧  
 相埒謙甫出獄而山西河南吏民伏闕上書請借  
 畱謙者以千數周晉諸王亦言之乃俾以少卿復  
 撫二鎮又明年始以兵部右侍郎召距其初至鎮  
 十九年矣是時南北屢用兵大盜時起制書鄺埜  
 以清幹著而謙佐之以弘斷部事雖稍稍飭然尚

扼於中貴人振不能大展而亡何為正統己巳虜  
 酋也先既破畧獨石馬營諸鎮至秋益猖獗振遂  
 挾  
 上下詔親征謙與鄺埜上言也先醜豎子耳諸邊將  
 士足制之

陛下為宗廟社稷主柰何不自重奉以與犬羊角乎  
 上不聽埜乃從治兵而畱謙治部事  
 車駕至土木蒙塵報至京師大震

皇太子幼不能監國  
 太后乃命

郕王攝政以輔之

王御左順門。時中貴人振雖以歿虜中外恨而欲食其肉。於是九卿臺諫廷劾振罪。請用反法於其家。奏未竟而錦衣指揮馬順者振黨也。妄傳

王旨叱衆退。給事中王竑起直前擒順曰。此正所謂翼虎者。今日猶敢爾。衆爭捶之立死。又捶二閹之嘗私振者。死。時衛卒聲洶洶。

王懼欲退。諸大臣皆披靡有趨匿者。公獨直前掖

王且啓

王下令曰。捶順與二閹死者義激無罪。少選俟得請

皇太后。卽族振。且籍順等家。衆始退。於是

王乃起謙徐徐步出掖門。吏部尚書王直者最誠篤老臣。執謙手而歎曰。朝廷正藉公耳。今日雖百王直何能爲。尋進兵部尚書。謙謝弗允。乃上言。扈駕文武臣有預軍士進止。當以失機論。旣死亦不宜濫卹。報許。

郕王旣卽大位。益賢謙。虛已委焉。入對慷慨泣奏曰。虜得志挾我

大駕。勢必長驅而南。今軍實武庫兵盡矣。司馬宜急分道募兵。及畱漕卒自益。司空宜併日而蒐乘繕

械九門要地宜令都督孫鏗衛穎雷通張輒等分  
守之都御史楊善給事中王竑等叅焉凡兵皆出  
營郭外毋令避而示弱郭外之民皆徙入內安插  
毋令失所而囂通州倉欲守之或不能委以與虜  
則可惜宜令官軍皆給一歲祿俸聽其自運仍以  
贏米爲之直虜所急者草諸厰宜亦聽軍稱力取  
之不盡則焚之毋以飽虜馬而是時石亨方坐繫  
楊洪亦以逗遛當譴謙惜其材勇請赦之與安遠  
侯柳溥爲大帥而身總其機宜進止不效則治臣  
之罪以謝天下

上皆嘉納之虜報益急而侍講徐瑄者以曉暢軍事  
聞且好言天象

上使中貴人召而詢之則力謂紫薇中宮皆有變必  
反故都而後吉諸中貴人之鼠竄者戀土者相軋  
未定而縉紳士人多遣其私重歸謙乃慟哭廷諍  
曰京師天下本宗廟社稷山陵寧此百官萬姓帑  
藏庾廩萃此此而不守去欲安之今日足一動明  
日大事去矣且虜乘勝驕實不足畏也

上聞之曰善其一聽謙處分十月也先挾

太上皇帝破紫荆直窺京師石亨議毋出兵第堅壁

皇明世宗 卷八十一  
以老之。謙曰：不可。賊張甚矣，而我又先之弱。是佐彼張也。亟環甲統大營，營於德勝門外。諸門皆有兵，總二十二萬。虜見我兵盛而嚴，不敢輕犯。以數騎來嘗我，謙乃設伏於空屋，使數騎誘虜。虜遂以萬騎來薄，我伏發敗之。孫鏗、毛福壽復敗之。西直門，謙使謀謀。  
上皇輦駕遠夜，令人以火炮擊其營，死者千計。賊遂退。有詔褒予謙，進少保、總督軍務。謙固辭，不許。謙退而語人曰：四郊多壘，卿大夫恥之。今謙不能死，而以徼功賞，能無愧哉！復上疏固辭，不許。大同叅

將許貴奏請遣使賙其幣以款虜，而徐爲討伐計。謙謂前者非不遣使，都指揮季鐸指揮岳謙遣而虜隨入寇，通政王復少卿王榮遣而不獲徵。太上一信，其狡焉侮我，何似而可言和？况虜不共戴天，讐也。理固不可和，萬一和而虜遂肆無厭之求，從之則坐敝，不從則生變，勢亦不可和。因劾介冑之臣，委靡退怯，法當誅。於是邊將人人言戰守，虜不能挾重相恫喝，始欲歸。太上矣。謙以涿、易、真、保諸州郡爲京師拱衛，而事力單甚，乃皆宿兵使都指揮陳旺等分將之，而右都

皇明世法錄 卷八十八  
督楊俊帥焉。久之皆屹然重鎮。俄諜報虜逼總兵朱謙於關子口。明日復報追石亨於鴈門關。烽火連屬。衆皆恐。請大發兵援之。謙策大虜尚遠塞。必張疑兵以脇我。乃上方畧授亨等。使皆堅壁。而令各營秣馬厲士。使若將大舉者。已而賊果不至。中貴人喜寧者。故俘虜也。下蠶室得近。而後復沒虜。爲虜用。諸所要挾。皆寧謀。謙密授計。楊俊捕而磔之。復授計侍郎王偉。誘誅爲虜間者。小田兒虜自是益計。屈時復議遣使與也。先和且迎。太上羣臣王直等請之力。

上意不懌曰。我非貪此位。而卿等強樹焉。而今復作紛紜。何衆不知所對。謙從容曰。天位已定。寧復有他言和者。覲以解目前而得爲備耳。

上顧而改容曰。從汝從汝。於是左都御史楊善以泛使往而

上皇得返駕矣。先朝處降虜近畿也。先入寇。多從之。而北會西南方用兵。謙與

上謀。每征行。輒挾其精騎以往。厚與之資。有功則官之。已而更遣其妻子。自是肘掖少他患。楊洪旣自獨石入衛。而所畱老弱凡八城。悉歸也。先。然彼亦

不之守。謙謂此宣府垣屏也。不可棄。乃復授都督孫安計。使以精兵由龍門關出據之。而募民屯田。且守八城。遂復貴州苗寇。久未平。侍郎何文淵請罷二司。專設都司。而以大將填之。謙曰。不設二司。是夷之也。夷之何以通滇。焚道。且無故而棄。

祖宗所設地不祥。遂寢。當是時。浙閩則有鄧茂七葉宗。畱廣則有黃蕭養。又有獐狃。而三楚之貴竹苗獠。處處蜂起。前後命將將兵。皆出謙旨。號令明審。動合機宜。雖宿舊勳臣。小不中程。卽請旨切責。究治不貸。片紙行萬里外。電耀霆擊。靡不惴。

惴。効力毋敢飾。虛辭以抵者。以故天下咸服。謙而歸。

景帝能用人。

太上旣歸。

上奉之南城。又欲易。

皇太子。謙以非所職。不敢爭。而。

皇太子立。內閣九卿。俱加師傅等官。謙得太子太傅。且命兼支二俸。羣公皆一辭。謙獨再辭。其文婉約。以示風。

上弗許。時已巳。城下之役。石亨功不如謙。而得世侯。

爵心愧之乃推謙功

詔予一子府軍前衛副千戶謙辭至再三有云縱臣

欲為子求官自當乞恩於君父何必假手於石亨

於是亨益愧且恨謙矣

上復賜謙闕西甲第謙辭曰匈奴未滅何以家為去

病暨子尚知此意臣敢饗此又不許乃置上前後

大所賜

璽書袍鎧冠帶弓劍之屬於堂而加封識歲時一謹

視而已謙多寓直房以便朝謁一日病痰壅

上使中貴人興安太醫院董宿視之云治痰必需竹

瀝

上為親幸萬歲山伐竹以賜且命計謙日用需悉出

自

尚方謙惶恐謝且乞歸

詔免朝謁尋賜

璽書褒予備至

太宗以北伐故宿兵燕中甚盛而會承平久不能無

老弱公侯中貴人往往役占土木之難半以委虜

其額雖有五軍神機三千諸營將不相屬相支調

為恒謙議選精兵十五萬分十營營以一都督領



之五千人爲一小營。營以一都指揮領之。餘兵散歸五軍等營。以備次調。雖有楊洪石亨柳溥爲大帥。而進止賞罰一繇謙。相顧頰首而已。洪亨皆老帥。宿猾。而亨尤貪。縱自快。謙事裁之。洪死。而子俊恃勇。鰲桀不可馴。嘗疏請悉發京營與諸鎮兵。大舉逐虜。而犁其王庭。可以得志。謙持不可。曰。大舉未必能值虜。值虜未必勝。而彼率其別部異道而擣我虛。寧萬全策也。俊語塞。後竟以不法爲謙。糾論削亨。有從子彪。以驍勇著。亨恃而強。謙出之爲大同遊擊將軍。以是益恨謙。切骨。而中貴人曹吉

祥劉永誠者。與謙共兵事。亦啣謙。氣陵之。

景皇帝不豫。石亨謀與吉祥等。發南城錮。迎

太上復辟。甫御殿。而執謙與大學士王文下獄。謂謙文與中貴人舒良王誠張永等。謀迎襄王爲帝。坐以謀反律。凌遲處死。然實無顯跡可據。而廷鞫日。亨等加鉅鑽鍛煉。文不勝憤。辨之苦。謙笑曰。亨等意欲死我。何益。旣奏上。

上猶豫曰。于謙實有功。若何時徐理者。改名有貞。而與亨比。前曰不僂謙。此舉爲無名。謙遂論棄市。籍其家。自

皇明世宗錄 卷八十八  
上賜外無長物。謙死之日。陰霾翳天。行路嗟歎。吉祥  
麾下有達官指揮。朶耳者。以一觴酌其地。而慟吉  
祥。恚朴之明日。復酌慟如故。先是杭之西湖。涸龜  
底。孫原貞時填其地。語人曰。哲人其萎乎。吾甚虞  
于公。謙死而陳汝言者。亦亨黨也。代爲尚書。不一  
載而敗。籍其貲列內廡。

上召大臣入視。已愀然曰。于謙終始

景皇朝。被遇若一。身死無餘貲。汝言抑何多耶。俄西  
北邊報甚亟。

上憂之時。恭順侯吳瑾侍。進曰。于謙在不。令虜至此。

上爲默然。是歲有貞以內閣首輔。與亨吉祥爭權。下  
獄。流金齒。又三年。亨下獄。庾死。家籍。彪棄市。又二  
年。吉祥與其從子昭武伯欽。及族謙有一子冕。自  
府軍前衛千戶。赦歸。

憲宗初。上疏白冤狀。

上憐而復其官。賜祭。有云。當國家之多難。係社稷以  
無虞。惟公道而自持。爲權奸之所害。在

先帝已知其枉。而朕心實憐其忠。天下誦而稱之。

孝宗初。加贈特進光祿大夫。柱國太傅。謚肅愍。賜特  
祠於其墓。曰旌功。尋改文資。累遷至應天尹。有幹

皇明世宗 卷八  
用聲謙爲文肆筆立就詩亦爽儻然少裁割獨其  
於奏疏尤明切嘗口授兩吏傳寫指腕爲痛所存  
奏牘若干卷集若干卷萬曆中改謚忠肅

太師王端毅公傳

公名恕字宗貫陝之三原人正統十三年年三十  
餘成進士改翰林院庶吉士翰林院業治古文辭  
而恕不喜爲古文辭務以明體適用本之經術博  
極經濟以是不得畱出爲大理寺左評事遷左寺  
副條上刑罰之不中者六事於朝而議行之五年  
擢知揚州府天順四年以考最超拜江西右布政  
使嶺寇有犯贛州者恕奉檄帥師討平轉河南爲  
左成化元年進都察院右副都撫治南陽襄荊諸  
府時以襄南多山秦楚之流民萃焉礦賊又不時

發特開府撫治。而恕首得之。已會兵搗襄盜。平其巢。又平湖廣劉千斤石和尚之亂。因榜諭流民。各使復業。流民聚貲立生祠祀。恕家家繪恕像。毋憂歸。四年卽家起復。巡撫河南。明年入朝議事。因上六事。轉南京刑部左侍郎。父憂歸。七年服除。以刑部左侍郎治漕河。九年改南京戶部。十二年改左副都御史。巡撫雲南。時朝議以雲南在萬里外。西控諸夷。南接交人。鎮守中貴橫甚。欲借恕彈壓。恕心知所謂。單車携二童往。中貴人錢能使其麾下指揮郭景等。以玉帶龍衣吳裝玩好。馳驛謁安南。

王黎灝。王報以異寶。生金通犀象牙等物。景等復與其國互市。稠載還。恕廉得之。遣騎道執景。景迫投井死。因悉銀鐙其從者。下之獄。而沒入其賄。飛章露劾。能私通外夷。罪當死。當是時。灝別爲私郵。以通滇省。欲乘間取我。至是其謀始杜。而錢能復使使乘驛。以黃鸚鵡進。恕復上章。極言萬里勞人。進一羽族微物。恐天下有以窺見。

上意因盡發。能貪黷暴肆。諸狀言昔交趾以鎮守非人。致一方陷沒。騰衝啓釁。致麓川叛逆。今日之事。殆又甚焉。

皇明世法錄 卷八十八  
上爲不得已。召能歸。安置南京。而黔公諸大帥以及  
土酋。皆惴惴奉三尺矣。恕在雲南九閱月。疏二十  
上。十三年。三品滿九載。進右都御史。明年召掌南  
京都察院事。往返衣書一橐而已。掌院未幾。叅贊  
南京守備。又遷南京兵部尚書。叅贊如故。盡攝營  
將之占役者。一卒不得走私門。番使過龍江驛。嚴  
禁織作工賈。非奉旨。毋得自爲互市。考選軍政。卽  
同事者無敢干。頗不便。恕而適有奧力取  
中旨。又明年改兵部尚書。兼左副都御史。巡撫南畿。  
兼督糧餉。恕以天下一切納貢賦者。苦收取過重。

至破家乞嚴禁革。光祿寺歲供白粢。槩及庖人賤  
工。請稍裁省。皆報可。常州時有羨米。請以六萬石  
補常州之夏稅。又以補諸府戶口鹽鈔。六百萬貫。  
官田賦太重。減耗米十餘萬。明年水災。奏免秋糧  
數十萬。草半之。而周行賑貸。其貧者至二百餘萬  
口。三吳之人。以爲自設巡撫來。幾一甲子。獨恕與  
周忱兩人而已。忱以十八年。恕不二年。其久與暫  
不相當。然忱彷彿姚元之。恕則賢於宋璟矣。中貴  
人杜福。以

中旨下常州。取截江網。及刻絲觀音羅漢古跡。恕言



帝王之學。貴要典謨訓誥。及無逸旅獒。

上不之取。而取截江網者何也。中貴人王敬挾其干  
尹王臣。以妖術取

中旨。齋御帑金。收市圖籍珍玩。因而張皇聲勢。搜括  
富人財寶。人情洶洶。怨乃盡列其罪狀。三劾奏之。  
王敬亦誣奏怨。因而株及常州守孫仁。方未決。而  
東廠中貴人尚銘。亦發其狀。

上始下敬錦衣獄。謫戍。并戍其黨十八人。而梟王臣  
首於江南。遠近稱快。以是益歸心怨。二十年。復爲  
南京兵部尚書。叅贊機務。時錢能復夤緣得同守

備南京。與怨共事。然亦心服怨。語人曰。王公天人  
也。吾唯有敬事而已。滿九載。加太子少保。會刑部  
員外郎林俊疏論中貴人梁方與妖僧繼曉比。而  
造大鎮國永昌寺忤

旨。下詔獄。都督經歷張黼救之。亦下獄。謫外。怨言京  
師祀天地。僅一壇。祖宗暨先聖。僅一廟。而佛乃至  
千餘寺者。斜也。一寺立而移民居者。且百家。費內  
帑者。且數十萬。俊言當不宜罪。宜特復其官。併復  
黼官。

上雖報聞。而中不能無嫌。以星變還俊黼南京。怨凡

皇明世宗 卷之六  
應詔者二十一。建白者二十九。多報可。天下益服  
恕之直。至朝事有所不可。必曰王公胡不言。則又  
曰公疏且至矣。而恕疏果至。至爲謠曰。兩京十二  
部。獨有一王恕。公卿大臣皆側目。而天子亦漸心  
厭之。最後所言政令失信。尤中

上諱。會南京兵部右侍郎馬顯以病告。忽附批落恕  
太子少保。以尚書致仕。恕既歸。名益高。臺諫推薦累  
上。

上崩。

孝廟卽位。於是薦恕者無虛日。卽家特召。馳驛以來。

中途引疾不許。改吏部尚書。入見。卽加太子太保。  
言官猶謂恕且老。不當勞以繁劇。宜用之內閣。以  
備顧問。

上報曰。朕用蹇義王直故事。官恕吏部。謀議無不聽  
從。何必內閣也。恕薦彭韶張悅周經爲左右侍郎。  
耿裕何喬新倪岳皆引置執政。忠諫如王徽黃仲  
昭賀欽。被抑如周瑛祁順並皆薦用。總督兩廣都  
御史秦紘。紘總兵安遠侯柳景不法。反爲景所誣。  
與俱罷。恕言紘不當罷。卒奏起爲戶部尚書。有徐  
生者。太醫諸醫也。傳陞院判。恕執奏。下吏部。會禮

皇明世宗錄 卷八十八  
部太醫院同御藥房太監選用恕力爭。

祖宗來未有吏部會內官推選官員例。

上曰徐生善藥與院判恕遂乞休屢疏上。

上曰卿持正輔佐朕心知之勿辭。恕遇事輒言有不合卽引疾求退。

上每溫言畱恕內閣。滋不悅謂爲好名。滿三載授恕光祿大夫柱國。

上念恕老。大風雨雪免朝。又免午朝。以疾告。輒遣中貴人存問。御醫視脉。牲酒米蔬相繼。而歲時珍鮮金綺之賜。與內閣輔臣埒。御醫王玉自陳春宮效

勞。乞陞職。下吏部。恕請逮問。有旨免問。而增俸二秩。恕固執不可。乃已。時丘濬掌詹事府。亦加太子太保。而以禮部尚書故班。恕下旣入直文淵閣兼大學士。恕尚持其吏部銜。據濬上會考察天下應覲官奏黜。而

中旨畱者九十餘員。言官有拾遺疏。復指其畱而當黜者。下吏部。恕乃詳據各原考語。及所察知者以聞。有

旨未必實令。再詳訪具奏。恕自疑有沮之者。乃求去益力。而



皇明世宗憲皇帝 卷之八  
上特慰留居無何太醫院判劉文泰奏恕矯詐強悍  
妄行選補御醫吏目非故事及里居日托人作傳  
而鏤行之曰大司馬三原王公傳其疏辭不見行  
者皆曰不報以彰

先帝拒諫之失自比伊周無人臣禮有

旨令恕看詳回奏恕不懌疏辯臣傳作於成化二十  
年而致仕乃在二十二年卽臣傳內所言皆昭  
先帝納諫之盛何名彰惡文泰無賴逞此機巧非老  
於文學陰謀詭計者不能乞於午門面究文泰及  
主使之人以正法紀遂下文泰錦衣獄獄具謂文

泰嘗謁丘濬語及恕傳濬謂此沽直謗君傳若行  
上罪當不小文泰自是心動具奏欲論恕以語故爲  
民都御史吳楨楨亦爲奮詈潤色文泰草而授之  
因請逮恕及濬楨面質

上爲左文泰秩而責恕賣直沽名俾焚其傳草而濬  
楨免究恕意不能平復上疏辯不聽於是再三懇  
疏引疾乞休

上乃許聽馳驛有司月給廩二石歲給夫二人不賜  
敕而文泰心怏怏謂濬不能爲地又二歲濬卒文  
泰往弔其夫人叱之出曰爲若而使相公齟王

皇明世宗金 卷之八  
公負不義名天下。何弔爲。時人快之。恕歷仕四十年。家居健無恙。日翫大學諸書。嘗言我垂老方理會學問。而薦紳大夫過三原里者。必屏呵從。走謁再拜。叩質疑難。恕亦應之不少倦。如是者十餘年。而爲正德改元之歲。恕九十矣。

天子遣行人齋手敕。牢醴綵幣存問。益月廩歲夫。恕乃復疏言數事。又三年卒。恕噉食兼數人。至其日。小減。閉戶獨坐。忽有聲若雷。白氣瀰漫。遂瞑。訃聞。上予祭葬。特超六官。贈特進左柱國太師。謚端毅。恕有五子。十三孫。多賢且顯者。而少子承裕。仕至南京戶部尚書。謚康僖。有學行。不囂其家聲。

太子太保項襄毅公傳

公名忠字蓋臣嘉興人正統七年進士為刑部主事陞員外郎扈

上北征得走還漸陞廣東按察副使天順三年陞陝西按察使內艱陝人數千里赴闕乞留乃奪服之任及徵入為大理卿陝人復詣闕乞留改右副都御史陝西巡撫成化元年虜入延綏公及寧遠伯擊虜遁去明年又與彰武伯破虜四年固原土達滿四叛據石城遠近戒嚴敕公總督軍務將兵往討時伏羌伯毛忠戰死我軍遽退公即陣斬指揮

皇明世法錄 卷八  
以狗陣始定移兵據賊水草困賊兵部恐賊來乘請  
詔問公當濟師否公不請濟師進與賊相持百日賊  
稍急公隨二卒單騎抵賊寨曉以禍福諸脅從賊  
日相率來降賊有愛將楊虎狸者被我擒公叱令  
斫頭來虎狸伏地乞宥死自效公卽假以詞色許  
令立功解金鈎束賜虎狸遣去故滿四竟爲虎狸  
所誘擒凡斬首七千六百俘獲無算公因陳四事  
爲經久計是時兵事急訛言洵洵公督軍矢石雨  
下無懼色嘗歎曰奉命討賊久無功甘心效死矣

鈞陽服公勇毅狗國召還仍協理院事故馬端肅  
公每語人曰土達鷙猛關中根本四未平時朝野  
洵洵使其得志天下事未可知也項公畢竭心力  
露宿原野者六十餘日躬冒矢石者二十餘戰始  
克獲醜獻馘殄平巨寇而止進一階較諸趙輔劉  
聚王越封拜如寄者不無功懋賞薄之疑矣六年  
大旱荆襄流民咸遁入山李鬍子者劉千斤黨也  
倡流民爲亂復

敕公出總督軍務公遣人持榜入山諭降卽負險不  
服縱兵擒勦不赦凡遣還鄉者四十餘萬編戍者



萬餘俘斬二千。因上便宜十事。

詔暫留撫治。進左都御史。會有星孛天田。言官因論  
荆襄妄殺。公再疏自列。乞歸不許。八年又討平野  
王剛。小王洪召還院。襄以公處置得宜。三十餘  
年賊不起。而議者猶指公妄殺。致干天和。交章論  
奏。故公辯疏畧曰。臣忠肅將天威。克平逋寇。不意  
媚疾流言。仰瀆

宸聽。今廷臣之所指。兵科之所糾。兵部之所叅駁。大  
率謂臣以流寓良民作盜賊。俘獻京。以無罪編民。  
作從賊。謫戍邊。以久居僑民。作無籍。逐還鄉。至謂

祛殺慘酷。甚於夷狄。孽出旱傷。皆臣所致。又謂奏  
報與功冊級數不符。不宜陞賞。臣若不辯。何繇自  
明。竊唯荆襄自劉千斤和尚王彪就擒。而後有  
李鬍子王洪燃燼煽禍。千百成羣。遠近荼毒。今臣  
奉命總師。與李震等督兵悉捕。僅俘百餘。詣京。皆  
首惡也。科臣乃謂盡良家子。而法司聽其翻異。不  
知前巡撫楊濬。叅將王信等。屢奏猖獗難禦者誰  
邪。其餘賊黨。不忍濫誅。簡其丁壯。謫發邊戍。而家  
屬從之。非無罪者。流民附籍。百無一二。如光化縣  
陳長于籍。雖有之。然占山四十餘里。招聚無賴。一

劾光國自  
曰亦明王  
可與忠言

千餘衆爭鬪劫殺無日無之。可以久居之故不遣乎。若非近山州縣則固仍其附籍而未嘗遣也。臣始因嘯聚揭榜諭之。謂荆襄山中已殺數千。蓋張虛聲。怵之使解散耳。彼時原屬烏有。今計殺傷囚繫死者實不過千。較昨討劉千斤擒殺至數十萬者何如哉。科臣乃謂慘於夷狄而致彗出旱傷亦誠厚誣矣。軍中報捷初未及詳斬獲的數。每多冒濫。其後核功定籍百不存一。雖擒李鬍子王洪輩以將士爭邀首功。臣皆革去不錄。如功少報多。敢曰無弊。今報止一百二十餘級。反加參駁。奚以服

人。且兵部尚書白圭亦嘗親蒞此地。親任此事矣。今日之舉乃圭往日之遺患也。若以今日之功不宜陞賞。則往擒劉千斤尚遺後患。而得高擢厚賞者。蓋亦少思乎。今臣已遣回流民一百五十餘萬。謫戍賊黨一萬二百有奇。隨居家屬五萬九千餘。四省境內帖然安矣。先時中外皆慮荆襄禍患。何日得寧。今既平靖而流言沸騰。反以臣爲口實。昔馬援征南。蒙薏苡之謗。鄧艾伐蜀。來檻車之徵。非唯功不見錄。反致身且不保。今幸遭

聖明不加罪譴。伏乞投閒。賜臣致仕。奏入。

帝曰。荆襄事已成功。雖有浮言。朕皆不聽。今覽卿奏。事理益明。卿何嫌何疑。遽告退避。所辭不允。十年代王樑爲刑部尚書。十一年爲兵部尚書。代白圭。公以職方最屬要樞。卽調劉忠宣。公大夏。陸文宣。公容爲郎。時有錦衣百戶韋瑛者。挾汪直爲訶察。屢興大獄。擅執京朝官。中外重足。莫敢正言。公發憤草疏。約吏部尚書尹旻諸公卿。發直瑛奸罪。或先漏言於直。而尹旻又先送疏。草與直幸。

上明聖大怒。罷直。厥瑛戍邊。而直見

上獨泣。言此內臣黃賜。陳祖生中傷奴。御史戴縉因而言直奉法無他。以迎上意。故

上復令直照舊領廠。直遂首誣。公下廷訊。事本起於千戶吳綬。綬在楚軍中撓法。公急奏取回。因而附直用事。構公公廷辯落職去。久之。諸奸次第敗。乃復公兵部尚書致仕。劉忠宣曰。公平土達流賊功。較諸臣爲最。而官未延世。柰何。此可以見公道矣。初直用事。諸大臣恥與往來。已而一二大臣首結直。於是商文毅公首乞去。都御史李賓。刑部尚書董方戶部薛遠。兵部侍郎程萬里繼去。翁世資代

皇明世宗 卷之八  
遠。余子俊代公。公家居二十六年卒。贈太子太保。謚襄毅。皆馬鈞陽諸公之力也。公明果倜儻。曉暢軍務。直言正色。不屑詭隨。子綬孫錫。舉進士。綬爲江西叅政。錫爲南光祿卿。錫兄鏞。以公功世蘇州衛指揮。錫子治元。嘉靖丙辰進士。

太保余肅敏公傳

公名子俊。字士英。青神人。景泰二年進士。歷戶曹郎。擢知西安府。西安關中會府也。民事戎務。諸節鎮大臣。使車往來。極冗繁難治。公從容酬酢。而上下皆孚悅之。西安城中水灑。民飲輒病。公爲開新渠。引山泉。匝徧城市。人得戶汲。至今便利。號曰余公渠。公又鑿山開道。瀉斥鹵灌田。千有餘頃。歷陞左布政。轉副都御史。巡撫延綏。延綏自正統中都督王禎鎮守。榆林未城也。禎始城榆林。及十八寨。移鎮榆林。尚未衛也。成化七年始置衛。八年公請。

有意見人  
到處作事  
如萬斛源  
水隨地而  
出



皇明世宗金... 復廣榆林城增添三十六營堡盡補陝中伍籍之  
脫落及罪謫南戍子孫不能南風土者皆聽還伍  
以實榆林建學立官師擇其少者為弟子員於是  
邊有城堡軍士得勤力以樹蔬果并開界石外地  
使興屯田歲得糧十餘萬石而榆林始為重鎮矣  
東渡河連大同西接寧夏虜不敢復恣肆出入公  
又上疏言陝西有三邊延慶寧夏甘肅三邊之中  
延慶為內地國初逐出北虜遠遁黃河外至正統  
初渡河犯近邊始於沿邊立界石創營堡築墩臺  
天順以來虜知東西諸邊各據險以守難窺伺唯

余公築城  
金湯之功  
而議者不  
息天下事  
壞於腐儒  
大半

延慶一帶地無險阻可以馳突屢來犯邊掠我邊  
人為鄉導遂知河套所在入屯其中自是虜顧居  
內而我列屯守禦反在其外臣以為莫若於沿邊  
一帶墩臺空處築為邊牆立砦堡况舊界石一帶  
多高山陡崖依山形隨地勢或剗削或累築或挑  
塹綿引相接以為邊牆實便報可於是東起清水  
營紫城砦西接寧夏花馬池東西二千里每二三  
里間為對角敵臺砦連比不絕空處築牆如新月  
狀以偵敵避射凡堡十有二崖砦八百一十九小  
墩七十有八大墩一十五自是虜寇益稀矣十二

能殺  
如國事

年移鎮陝西。十三年入兵部爲尚書。公在邊日久。熟知虜情。及將士勇怯。地里險易。遠近虜所出入。故凡邊臣奏請。從中調度。輒中機宜。未幾致仕。復召加太子太保。改戶部。公又能知錢穀經費。曲算盈縮。諸吏少年敏悟者。皆自謂不及也。十八年。又召公出總督宣府大同山西三關軍務。公言禦虜利用戰車。條式奏上。二十二年。再出宣大還京。以左都御史致仕。復召公爲兵部尚書。公乞致仕。不肯出。公平生仕宦。多在西北。故榆林修邊之功。爲最。已而入兵部。出邊鎮。欲推榆林法。盡修大同宣

府兩鎮邊牆。而沮於讒忌。功有緒。竟不能就。唯鎮榆林時。怨謗紛起。堅執不撓。卒能成功。垂利百世也。公卒年六十一。贈太保。諡肅敏。時羅山徐廷璋。巡撫寧夏。亦浚濠築墉繕亭障。有功賞。而鈞陽巡撫陝西。亦大有名。故稱關中三巡撫。云廷璋由選舉。

皇明世法錄 卷八 韓襄毅公傳

此蠻功

少年聰明

都御史韓襄毅公傳

公名雍字永熙吳人也弱冠舉進士選授監察御史尋奉

命錄囚碭山教諭丘純責膳夫丘磨兒磨兒父教令逃去因訴他御史純箠死吾子他御史榜掠純強自誣服然無所得屍黃河撈一浮體支解者父迺哭吾兒也於是純坐極刑雍疑之蹤跡得磨兒純始白久之出巡按江西眾猶謂雍年少未經事雍抵鎮振刷精彩經措宏久後先皆弗如也廬陵饑盜大起雍從巡撫侍郎楊寧謀設伏捕首虜二百

聰明二字  
實難當

觀于忠肅  
集自見當  
日所在紛  
罕而江西  
少安

餘。餘孽以次伏誅。楊寧見雍。輒自失曰。御史即少  
而老於吏。是聰明。百寧何可當。大學士陳循。廬陵  
人。熟知雍才。言於

上。擢僉都御史。代寧巡撫。雍時未三十。黜屬吏奸貪。  
疏滯獄。均徭役。平市價。恩威大著。

英宗皇帝狩土木。虜猖獗。西南夷繼叛。諸省無不被  
兵。獨江西恃雍少安。息。

英宗復辟。下陳循獄。謫戍。雍坐調山西副使。尋罷歸。  
一載。召拜大理右少卿。復右僉都御史。協理都察  
院事。長院者寇深。剛復少許可。迺獨心敬雍。雍亦

天理話

時時有所喻益。石亨誅。錦衣指揮劉敬坐直所邀。  
亨午具用朋黨律罪死。雍抗言朋黨者。阿比共亂  
朝政。今以一飯當之。恐過重。亨盛時。大臣中固有  
朝夕趨其門。宴會且累時。今不坐。獨坐敬何也。敬  
卒不死。虜復寇掠內地。

詔雍巡撫大同宣府。陞辭。賜宴及鈔。雍至。則虜已遁。  
修戰守。練士卒。固城堡。為一時北方之重。七年還  
議事。

上喜公狀貌。進兵部侍郎。

諭南陽曰。九邊撫臣宜得如雍者。南陽復薦山東按

皇明世法錄

卷八十八

經濟名臣

三

韓襄毅公傳

游山之人亦不可忽

知人

分兵趨末近來最有此患

知人國家得一雍又得一知雍之王茲趙輔○皆賊耳縛斬之受降者宜急著眼

察使王越代公。越至見

上。上又喜曰。是真將官。

英宗崩。內閣學士陳文忠雍。因事間於大學士李賢。

左遷浙江叅政。雍為叅政。頗不理省務。日選勝從

賓客。曲宴西湖。賦詩自娛。

純皇帝初。兩廣蠻寇復大起。拜都督趙輔征夷將軍。

發湖湘閩廣土漢兵討之。兵部尚書王珖言於朝

曰。韓雍才氣無雙。盜事非雍莫可。雍舊有過請置

勿計。於是使使就浙江拜韓雍左僉都御史贊理

諸軍務。雍即日拜命。會衆議進取。或請分軍感賊

入廣西可破。雍曰。不然。古仗鉞臨戎。制閩外。謂利

國家得專之也。夫兵有合為正。分為奇者。二廣地

鮮完郡。大藤峽為賊藪。本也。諸軍不先薄其本。迺

分兵以趨末。分兵勢弱。趨末難盡。我全師至彼南

可以攻大藤。援高廉雷。東可以應南韶。西可以取

柳慶。北可以斷陽峒諸路。勢若常山蛇。首尾互應

彼分而拒。我聚而攻。志曰。先聲有奪人之心。茲行

必勝。我奪之矣。遂行。會趙輔知雍才。軍事一聽雍

於是督大兵分道進擊賊。直抵大藤。峽道有儒生

里老數百人。跪持香曰。我輩苦賊久矣。今日幸遇

皇明世法錄 卷八十八  
天兵得生爲良民。願先三軍鋒。雍大怒。顧左右叱曰。此皆賊耳。縛斬之。左右初亦疑。旣縛而袂中利刃出。乃悉斷頸。散手足。剗腸胃。分掛青棘中。累累相屬。賊大驚沮。曰。韓公天威也。遂破之。前後斬獲四萬一千七十六有奇。捷上。

天子大嘉賞雍功。制

詔卽軍中拜雍左副都御史。賜文綵幣六。官一千。錦衣鎮撫。雍請以讓其弟。

詔可。雍復獻策。二廣賊勢實相聯屬。於是命雍總督軍務。撫鎮而下。咸聽約束。雍旣得以便。宜行益修飭陣伍。擇別將分捕窮黨。與功最鉅。進都察院右都御史。雍威嚴擬王公。三司長吏見。長跪白事。促縮如小吏。軍門設銅鼓數千。儀節詳密。賓佐皆極一時之選。

公名文升字負圖河南鈞州人生而有異兆貌瓌  
奇多膂力嘗與羣兒戲十數為羣角之靡不仆年  
二十六登景泰二年進士吏部尚書王直異其材  
選授監察御史時領院事者王文王翱皆嚴重鮮  
可而獨以文升為國器出按山西再按湖廣所至  
發奸摘伏有神君之稱還領全臺章奏以毋憂歸  
服除超拜福建按察使鎮守中貴人虐而肆獨文  
升能制之使稍稍斂戢進南京大理寺卿丁父憂  
成化初固原土夷滿四與其黨劫其從子指揮壽

太師馬端肅公傳

公名文升字負圖河南鈞州人生而有異兆貌瓌  
奇多膂力嘗與羣兒戲十數為羣角之靡不仆年  
二十六登景泰二年進士吏部尚書王直異其材  
選授監察御史時領院事者王文王翱皆嚴重鮮  
可而獨以文升為國器出按山西再按湖廣所至  
發奸摘伏有神君之稱還領全臺章奏以毋憂歸  
服除超拜福建按察使鎮守中貴人虐而肆獨文  
升能制之使稍稍斂戢進南京大理寺卿丁父憂  
成化初固原土夷滿四與其黨劫其從子指揮壽

皇明世宗 卷八十八  
四  
據石城以叛。陝西巡撫與中貴人將討之。大敗。復合寧夏延綏兵討之。又大敗。詔逮巡撫諸臣下獄。而卽家超拜文升右副都御史代爲巡撫。佐總督都御史項忠率京邊諸軍五萬討賊。文升馳急傳。十日至陝。時兵已發。則簡練其留後者。申約束。通轉餉。五日而嚴馳至軍。偕項忠屯中路。文升言於項忠。使盡焚城傍草。斷汲路。賊始稍稍困。石城潰。先後俘斬首虜七千六百有奇。獲其男女老弱二千六百。捷聞。進文升左副都御史。賜金帛。遂疏言時事十五條。及禦戎三策。

上皆嘉納。進提督甘涼寧夏三鎮軍務。虜寇臨鞏。文升遣兵逐之。至黑水口。破擒其平章迭列孫。虜復寇韋州。深入。至好水川。文升復縱兵破之。于湯羊嶺。斬首積級至二百餘。獲其馬牛羊輜重。不可勝計。名其嶺曰得勝坡。勒石以紀。遂進兵平岷州。叛番獲其酋首。文升有所奏捷。不爲誇張。中亦無主之者。以是報賞薄。久之。始入爲兵部右侍郎。三品滿九載。僅予二品祿俸。仍出飭薊門以東。至遼左邊備。文升嚴汰其弱弗堪者。而製五花營八陣圖。教之。使習。皆爲精兵。還。進左侍郎。時陳鉞等後文



皇明世宗金 卷八十八  
升爲巡撫多訶伺將吏小罪輒逮逮輒罰馬而釋之將吏旣怨且狎法而馬價亦踊貴文升上邊事十五條因及之鉞以是銜文升時海西衛都指揮散赤哈移文訐驗夷管指揮受夷人真珠豹皮官爲究管指揮管懼賂都督產察使繫笞散赤哈恨之乃率所部十餘騎稱入貢欲以面聞鉞而守將以非所入貢道却弗納散赤哈益恨過經女直建州三衛三衛以朝廷昔誅董山詭不平因留散赤哈聚兵得數千騎大掠鳳集諸堡獨近塞者僧格等十八族皆以有使貢恐誤中兵而留其使走之

撫順所白狀鉞方欲自解與副帥韓斌謀置之獄而夜掩屠其族殆盡更奏搗巢捷且請大兵議勦撫太監汪直志方銳欲自往爲言

上遣太監懷恩覃昌詣內閣召六部議萬安等相顧莫發兵部尚書余子俊言虜使入貢而掩屠其家何以爲中國恩太監曰撫之乎曰撫之則以一大臣偕大通事往足矣文升疾應曰善懷恩入白之上卽傳旨命文升偕大通事詹昇往勘直不得行恨文升文升至乃盡赦其被屠家餘衆數百人撫以好語給以布粟而海西與三衛亦來聽文升察其

破海西三  
衛之奸所  
以恩威並  
用

意不實乃具言狀而行諸路伏兵以待俄復入寇  
伏兵發斬首二百餘級生擒數十人鹵駝馬稱是  
因以兵威諭都督產察懼悉請歸命而汪直必欲  
自出出至遼左而事已定文升與議切勿用兵直  
亦陽聽而中不善又銜其敵禮空手無饋遺而陳  
鉞則飭厨傳盛供帳見卽叩頭便辟左右僕從皆  
有賄于是遂相與謀傾文升矣文升竣事歸賜綵  
幣羊酒理部事如故然直則以密疏言文升禁不  
與易農器故屢寇塞也于是復遣直偕刑部尚書  
林聰往勘勘則見如直言遂下文升詔獄文升言

實禁鐵器非農器也汪直既陷文升使謫戍重慶  
衛以去則偕陳鉞大發兵破諸屬夷鉞拜賞賜傾  
府庫已而皆敗十九年起文升爲左副都御史巡  
撫遼東士卒聞文升復至皆鼓掌喧舞蓋文升至  
是凡三渡遼東故東人至今思之亡何進右都御  
史總督漕運兼巡撫鳳陽等處旋入爲兵部尚書  
文升念天下方困於兵會貴州都勻苗叛守臣請  
合三鎮兵遣討文升不可惟遣官勘處卒無他也  
時

上幸方士李孜省欲有所薦引代文升忽有

中旨調文升南京兵部尚書參贊機務

孝宗皇帝立召改都察院左都御史

上躬耕籍田既宴而教坊以雜伎進出褻語文升正

色曰汝曹第陳農家作苦使

天子知稼穡艱而已褻語何為公卿愧之文升乃復

條上十五事

上皆為嘉納特命提督十二團營兵馬掌院事如故

時子總以鄉貢士待選文升使請外曰必大臣子

而京秩誰當外者尋復為兵部尚書京師大水上

疏陳時事于貴幸多所侵又嚴覈六軍諸較斥其

貪黷選慎者二十餘人以是有怨家夜持弓矢警

文升門又飛書射入東長安門內事聞

上嚴令錦衣官較緝訪而給金吾騎士十二出入為

文升衛文升因乞休優 詔不許屬文升有小疾

而虜小王子以數萬騎駐大同邊外勢洶洶

上使中貴人挾醫視文升疾賜上尊饋餼因問計文

升謂此虜方敗于他部勢已絀無能為也請密為

之備而揚聲逼之虜果徙去安南侵奪占城五州

地 詔勒還之數支吾不服會二國各入貢乃請

面折諸廷安南詞服因諭以恩威利害厚賜之歸

皇明世宗 卷八十八  
還其侵地。廣西土守岑欽與侄溥相讐殺。巡撫欲討之。文升不許。第令騰書戒飭。已皆悔悟。納款請。歿。時南畿浙江大水。河南山東山西陝西旱。文升請。亟勅撫臣發庾以賑。遣使崇祀羣神。爲民祈請。馬政弊甚。民苦孳生寄養。請覆覈減定其額。著爲令。特加太子少保。久之。又加太子太保。有旨傳陞。畫工張玘等二十七員。爲錦衣千戶。文升力諫。謂先朝弊孔。賴

上初窒之。今復啓之。無功而冒武職。徒使邊將解體也。江南歲稔。有司請募民入粟。授以指揮等官。文升復諍。以爲授之指揮。亦能使邊將解體。只宜授散官。

上皆爲停。哈密忠順王者。故元遺孽。

文皇帝寵其王。予金印。使率其民城哈密居之。以通西域貢道。其位高而兵最弱。忠順王歿。王母當國。爲土魯番酋鎖檀阿力所擒。鹵人畜。併奪金印去。鎖檀阿力歿。子阿黑麻立。以金印歸我。文升請以王母之甥。陝巴爲忠順王。填之。阿黑麻怨我賞薄。謂陝巴賤種也。何得王。哈密擁輕兵入。虜陝巴及金印去。而使其驍將牙木蘭。以三百騎入守。文升

奏請執阿黑麻之貢使寫亦滿速兒等四十餘人  
流閩廣而薦都御史許進撫甘肅使率副將彭清  
等選番漢兵倍道而至夜坎城登破之斬級六十  
降自保者八百人牙木蘭以千里馬走謁阿黑麻  
阿黑麻方與赤斤蒙古衛相讐攻不能大發兵使  
別將將輕騎五百圖復哈密復爲赤斤衛兵所徼  
殺乃遣使上書謝罪請歸陝巴及金印于是文升  
奏還其貢使酬以少金帛而哈密復皇清寧宮災  
太皇太后 皇太后同居仁壽宮

上命文升與工部亟議修建文升言團營軍餽于役

不可復苦楚蜀災不勝採伐三敞有儲木尚可材  
太僕馬惜薪薪其價可以資工匠木石費倘不足  
則幸發內帑金數萬足之故落成而公私不告匱  
皇太后徙居懽甚予文升一子錦衣百戶賜錦幣優  
等北虜火節大入邊殺掠吏民

上憂之召對便殿賜酒饌給筆札詢以戰守之策虜  
雖訖竟不能深入而會吏部缺尚書卽首推文升  
給事中亦言吏部非文升不可乃用倪岳而特加  
文升少傅十四年岳卒文升乃爲吏部尚書明年  
加太子太傅十七年

皇明世宗 卷之八  
上召文升至暖閣諭之曰。明年天下覲吏畢集。卿其用心採訪。大彰黜陟。文升頓首曰。陛下圖治若此。宗社之福也。

上乃令中貴人掖文升下階。後至考察京僚。給事中吳舜王蓋自以躁妄當斥。因先事誣文升。及都御史戴珊欲兩持以解。文升曰。吾安可市名而廢法乎。悉署去之。滿九載。加少師兼太子太師。

上崩。梓宮當出德勝門。文升徒步號哭二十餘里。不稱疾。

武宗立。吉凶之費。計黃金五千兩。白金百八十萬兩。

戶部計無所之。欲裁諸王賜。併借公侯助親莊田租課。文升言。

人主卽位例推恩。恩未下而先奪之。非禮也。御馬監太監王瑞調造大婚禮物。應用儒士李鼎等七人。偕篆西天西番字。已得請矣。文升力持之曰。此曹皆昔考察無行。且不良於書。今復用之。何以杜倖門。乃別選八人以進。瑞慙恚。誣文升抗旨。文升因乞歸。不許。當是時。幾已內移。而文升居位久。左侍郎焦芳日夜覲之。會楚人熊繡爲兵部左侍郎。文升推出兩廣總制。不欲行。流言布聞。其同鄉

御史何天衢因劾文升衰老。文升二十一疏乞歸。乃報許。而御史王時中又謂兵部尚書劉大夏刑部尚書閔珪謀代文升。故爲文升劾大夏珪。二公去。二公皆賢。旣相繼去。而焦芳坐得文升位矣。文升之去。

人主尚優禮。賜勅。予寶鏹錦綵。馳驛以行。月給祿米六石。歲給人夫八名。供帳傾都。又三年。焦芳構于中貴人瑾。削文升官秩。正德五年。卒。年八十五。明年。瑾誅。芳斥。復贈太傅。謚端肅。予祭葬。嘉靖初。加贈特進左柱國太師。文升之卒。無幾。而大盜趙鐃

亂河南。行剽至鈞州。以文升家在。捨弗攻。攻破泌陽。前大學士焦芳已跳匿。燬其家。發芳篋。取其衣冠。縛葦若人者。而屠裂之。曰。恨不爲天下殺此賊。

皇明世法錄卷八十八

終

三才圖會 卷之六

三



Faint vertical text columns, likely bleed-through from the reverse side of the page. The text is mostly illegible due to fading and ink bleed-through.



